



IKUGAFONO

22 FONOLASI EKT NANUMEA 2 – 16 TESEMA 2012

12/14/2012

Tenei te fakamaumauga o ikugafono o te 22 Fono Lasi a te Ekalesia Kelisiano Tuvalu kola ne fakamaonia ne Usu Fono Filifilia i te po 14 Tesema 2012

Lipoti o te Aso Tapu po 2 mo te aso Gafua po 3 Tesema

i Nanumea 2 – 16 Tesema 2012

Aso Tapu po 2 Tesema 2012

Ko te aso tenei ne fuafuagina ke 'tala i ei a te 22 Fono Lasi i Nanumea, mo te mafaufauga me ko taunu katoa mai a te 'malu o Usufono fakatasi mo te malo sili tela ko te ulu o te malo, tena 'malu Willy Telavi. Kae ne oko mai a te fakailoaga i te vaka tela ne malaga mai i ei ne tai afaina ona masini tela ne toe foki i ei ki Funafuti, kae e toe 'tala mai i te aso tapu tenei ke taunu mai ki Nanumea nei i te aso gafua po 3. E ui eiloa i te feitu tena, kae ne iku i te Komiti Teuteu ke fakataunu eiloa a te 'talaga o te Fono Lasi i te aso nei, kae ke 'tala ne te 'malu i te Pule Fenua o Nanumea, Neia Faiva.

Takitaki te sauniga 'tala o te fono ne te Failautusi Aoao, Faifeau Tafue Lusama, ne lauga a te suuga i te Sui Pelesitene, Faifeau Tofiga Falani, kae ne fai talosaga a te 'malu o Tiakono Toeaina o Pulega, malu i a Kepasi Tefau, 'malu Taufia Savea, 'malu Iona Pilitaati. Ne faitau tusi Tapu a te 'malu i te Tiakono Toeaina o te Pulega i tua, matua Helina Telii. Kae ne tala a te fonotaga ne te suuga i te Pule fenua o Nanumea.

Aso Gafua 3

Ne kamata a te fonolaga i te aso tenei ki te fakataliaga o te Polokalame saukatoa o te Fono Lasi. E tasi a te fakamafuliga ki te polokalame tela ne avaka ne te Komiti Teuteu, ko te palotaga o te Pelesitene ke se fai i te aso faa po 5 kae ke tuku loa ki te fakaotiga e pela eiloa mo te Fakavae. Ne fakatalia a te polokalame fakatasi mo te fakamafuliga tena.

Ne soko atu ki ei ko te fakataliaga o usufono ki te Fono Lasi, kae ne fakatalia eiloa fakatasi mo igoa kola ne 'galo i te list.

Soko atu ko te fakataliaga o sui fakalogologo filifilia, tela ne tai lasi eiloa a te sautalaga ki ei ona ko te fakafesiliga o te suuga i a Siliga Kofe, kae ne iku ke nofo eiloa pela mo te fakavae.

Ne 'tala foki eiloa i konei ki fonotaga a vasega mo fakapotopotoga fakatasi mo mafutaga.

Lipoti o te Aso Faa po 6 Tesema, 22 Fono Lasi a te EKT**i Nanumea 2 – 16 Tesema 2012****Lotu taeao mo te sukesukega o te Tusi Tapu – 0800 - 0900 taeao**

Ne takitaki ne te Faifeau Soama Tafia.

Filiga o te Takitaki mo te Sui Takitaki Fono.

Ne filigina ne te fonolasi i te palota funa a te Faifeau Puafitu Faaalo mo fai te takitaki fono kae ko te sui Pelesitene, Faifeau Tofinga Falani mo fai te sui takitaki fono.

Malolo malie te fonolasi mo se vaiaiga.

Mai tua o te filiga o te takitaki mo te sui takitaki fono ne manava malie te fonolasi mo se inuga tea.

Toe fakasoko te fonolasi 11.00am.

Call to order te fonolasi ne te takitaki fono.

Maitua o te vaiaiga ne toe fakasoko te fonolasi i te 11.00am.

Lipoti a te Sui Pelesitene, Failautusi Aoao mo te Failautusi Tupe

Ne toe fakasoko te fonolasi ki lipoti mai te Sui Pelesitene mo te Failautusi Aoao.

Ne mua te lipoti a te sui Pelesitene tela ne avakagina loa ne tena malu Faifeau Tofinga Falani. Ne lago kae fakatalia ne te fonolasi te lipoti a te sui Pelesitene.

Mai tua o te lipoti a te sui Pelesitene, ne avaka i ei te lipoti a te Failautusi Aoao, tela ne avaka e iloa ne te suuga i te Failautusi Aoao, Faifeau Tafue Molu Lusama. Ne fakafesili aka ne te Faifeau Pita Tanile me kai a ko kese i ei a igoa o latou kola ne taliagina i te fonolasi i Nanumaga ke fai mo komiti teuteu.

Ne titi manatu kiei te fonolasi kae ne iloa aka me kesekese katoa a mau e uiga loa mo te fakamaoniga o te KT tenei e fesili ki ei te malu o Pita Tanile. Nisi mau e fai mai me ne talia loa ne te fonolasi i Nanumaga a te KT tela e kese a tino i ei e penei mo latou konei ko fai nei mo KT. Ko nisi e fai mai me seai se KT ne fakamaonia ne te FL i Nanumaga.

Ne fesoasoani te Failautusi Tupe o fakamaina ki te FL me i te pogai e galo i ei te fakamauga o igoa o te KT fou i miniti ona loa me seai se KT ne fakataliagina ne te FL. Te mau a te FT me i te toe aso o te FL ne lasi kii loa ate tulituliga o mataupu tela e tasi mai i ei ko te posting ona loa ko te taumafaiga ke oko a usufono ki Hapai mo te polokalame a te fenua.

Koi fai manatu te usufono ki te tulaga o te KT kae ko ta te taimi kai i te tutonu. Ne manava te fonolasi mo te kaiga i te tutonu i te 12.30pm

Malolo te FL 12.30 fakatutonu.

Ne malolo te FL i te 12.30 fakatutonu mo te kaiga lasi ite tutonu.

Fakasoko te FL 2.00pm

Call to order te FL ne te takitaki fono.

Ne toe fakasoko te FL ki faipatiga ki te lipoti a te FA kae maise loa ko te tulaga o te KT tela ne seki mafai o fakaiku kae ko ta te taimi kai.

Ona la ko te se mautinoa tonu me tefea te mea tonu, ne fakatalia ne te FL tenei (Nanumea) te KT tenei ko galue nei.

Ne fakasoko loa a faipatiga ki te lipoti a te FA kae i te fakaotiotiga ne talia ne te FL te lipoti a te FA.

Mataupu faopoopo

Ne avaka a te mataupu, ona la ko te faletonu o te Fakavae o te EKT, ke fili aka se komiti filifilia ke toe onoono faka'lei aka ki te Fakave.

Ikuga: Talia a te mataupu tenei ke fili se komiti o te Fakavae, kae ke toe ga'lue ki te Fakavae.

Mai tua o te taliaga o te lipoti a te FA, ne fesili fakaaloalo atu te takitaki fono ki te 'malu o te fono lasi ki lotou manatu ki te faka'soko o te Fono Lasi mai tua o te vaiaiga i te tolu io me ko te malolo. Ne malo a te manatu ke malolo kae ke toe faka'soko i te taeao o te aso ma taeao.

Ne toe kalaga fakaaloalo atu te suuga i te takitaki fono ki te suuga i te 'tofi o Kioa, suuga i te Faifeau Falemanuka Keneti ke pono ne ia a te aso ki te talosaga.

Ne 'pono a te fono ki te talosaga ne te suuga i te Faifeau Falemanuka Keneti.

Ne malolo a te fonotaga i te aso muamua i te kuata ki te tolu i te fakaafiafi.

Fakamauga o Faipatiga i te Lua o aso po 7 Tesema, o te 22 FL a te EKT**i Nanumea 2 – 16 Tesema 2012****Lotu taeao mo te sukesukega o te Tusi Tapu – 0800 - 0900 taeao**

Ne takitaki ne te Faifeau Toeaina Paneta Maibuca.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamauga o mataupu ne faipatigina i te aso anafi. Ne fakapasia a fakamauga katoa.

Ne kalaga fakaaloalo atu te `malu i te takitaki fono ki te `malu o te usugafono katoa ke mafai o fakapitoa aka se minute io me se lua minute e manatunatu i ei a te `malu o te FL ki tena takitaki tenei ne malolo atu i te tausaga 2011, tena suuga Rev. Sir Filoimea Telito, ne filemu a te usugafono katoa mo se taimi toetoe kae ne fakaoti ne te takitaki fono ki te talosaga.

Ne tuku atu ne te takitaki fono a te avanoaga ki te `malu i te Failautusi Tupe ke mafai o avaka a tena lipoti. Ne avaka eiloa ne tena suuga a tena lipoti.

Ne `tala a te lipoti ki te `malu o te FL ke fai a fesili mo mataupu ki te lipoti.

Ne fesili a te suuga i a Satini Manuela me ko oi a owners o te EKT?

Ne tali ne te FA me ko tino o te EKT e a latou a te Ekalesia, ko latou ko owners.

Ne toe fesili a Satini me e mata e isi se isi komiti ne ui i ei a te lipoti tenei koitua i oko mai ki te FL?

Tali ne te FT me seki ai nei se komiti i te vaitaimi nei ona ko te komiti o Tupe muamua ko se galue nei, kae konei e fai a fakatokaga o toe fakatoka aka se komiti o te Tupe.

Malolo malie te fonolasi mo se vaiaiga.**Toe fakasoko te fonolasi 11.00am.**

Ne toe `tala atu a te avanoaga ne te takitaki fono a te lipoti ki te FL ki fesili mo mataupu mai i te lipoti, mo te fakaasiga me e se manakogina ne fakasakoga.

Ne fakatagi aka a Siliga Tala ke se tulituligina a te mataupu tenei ona ko te key tenei ki te fano ki mua o te EKT.

Fesili muamua a Siliga Tala me se a nei a te tulaga o te EKT i lalo o tulafono a te malo o te atufenua, me se charitable organization io me se a?

Tali ne te takitaki fono me e tena eiloa a te fakamoemoega o te taipola, ke maea lei o faipatiga ki te lipoti, kae taaua ke fai'pati tonu eiloa ki te lipoti kae ke mo aa e magamaga valevale.

Ne tali ne te FA a te fesili ki te registration me e seki register nei a te EKT i lalo o tulafono a te malo.

Fakamolemole me se a nei te lua faiga ki accounts konei koi toe nei seki toka a fakatokaga, ki se tino e mafai o fesoasoani ki te FT ke mafai o toka a accounts katoa konei mai mua o te 23 FL i Niutao?

Tali ne te takitaki fono me e sae atu eiloa mana olo tatou i vaega takitasi o te lipoti.

Ne tala ne te takitaki fono ke olo i vaega takitasi o te lipoti.

Ne fakaasi aka ne Kitiona Tausi me e se katoatoa a te lipoti me e isi ne mea e `galo i ei, e aofia i ei ko te stock o tusi tapu, ko te lauolive, ko property investment a te EKT mo nisi mea aka foki.

Tali ne te FT me i te menetia o te Lauolive e tenei eiloa ne vau o avaka a tena lipoti

Ne fesili a te suuga i a Saufatu Sopoaga ki te napa lua o te lipoti, me i te fakasologa kola e fakasolo mai i te vaega tenei o te lipoti, e sae mai fua i ei ko kaitalafu, kae aa mana faka'sae mai foki i ei a alagasene kola ne tinatina ki ei a kaitalafu konei.

Tali ne te FT me kona la e `sae i nisi vaega o te lipoti, e pela mo te vaega tela e faipati ki tusaga kola ne iku i te 21 FL i Nanumaga, ko te tusaga fesoasoani o te malo, ko tusaga o te EKT.

Ne fakaasi aka ne te faifeau Dr.(hon) Kitiona Tausi me e se talia ne ia me e tenei a te kaitalafu ona ko te Ielusalema fou e se tau o tuu e pela me se kaitalafu ona me se investment.

Tali ne te FT me i te taimi nei a te Ielusalema fou se kaitalafu, tela e tinatina ne tatou i aso takitasi, ke oko loa ki te taimi e magalo i ei, e se mafai o fakatuu e pela me se investment ke oko eiloa ki te taimi e magalo i ei.

Ne fakafesili aka ne faifeau Telematua me ko te Ielusalema Fou nei ko oi e own ne ia?

Tali ne te FT me i te vaitaimi nei, koi nofo loa mo te bank tela ne loan mai i ei. Ke oko eiloa ki te taimi e magalo i ei, e se mafai eiloa o fakaigoa me own ne te EKT, me i so se taimi e fail i ei tatou o togi a te moketi, e mafai faeloa o puke ne te bank.

Ne fakaasi aka ne 'malu Satini Manuella me i te moketi tenei o te Ielusalema fou e tau eilola o tuu i loto i te kaitalafu a te EKT me koi togitogi nei a te moketi tenei kae seki fua mai. Ne faipati a Satini ki fautuaga i te lipoti, i a ia e lagolago ki te fautuaga ke kati ki lalo a te tupe fakamaumau a te EKT. Ne lagolagogina.

Ne fakafesili aka ne te suuga i a Otinielu, me kafai e fai nei se ikuga ki te fautuaga tenei, e mata e tenei a te ikuga ka tauave ki te faipatiga o te fakataugatupe?

Tali ne te takitaki fono me i te fakaikuga tenei e tuu eilola ki te lipoti mo te fautuaga.

Fesoasoani o Penehuro Hauma ke tuku a te fautuaga tenei ki te taimi e faipatigina i ei a te fakatauga tupe.

Ikuga: Ke taumafai o katikati ki lalo a te tupe fakamaumau a te EKT

Faifeau Dr.(hon) Kitiona ne fesili ana fesili konei:

Fesili me e fia nei a te value o tusi tapu tauloto konei e toe nei?

Ko te lotomalie o te KAKEATU o togi a te lomiga o tusi akoga a tamaliki akoga, se a nei a te tulaga ki ei?

E mata ko isi ne fesokotakiga ki te Minister o tupe ke waive a surcharges o te PF?

Tali ne te FT.

Ne toe fai a fesokotakiga ki te minister o tupe ki se avanoaga ke waive a surcharges kona, kae ko oti foki ne talia ne ia, kae ko oti foki ne fakaoko ki te PF, kae i te ata tena o te lipoti, a te aofaki o te sala tena (183,722.22) e se aofia i te 240,936.34 tena e tuu me ko te kaitalafu a te EKT i te TNPF.

Siliga Tala ne fakaasi aka ne ia me i te outstanding nei o te Ielusalema Fou \$525,413 kae e tau o togitogi i loto i te 25 tausaga. Ne fakaasi aka foki ne ia me i te ola o ekalesia i Niusila nei, ona me ne tuku mai a te Ielusalema fou ke togi ne te EKT, kae moi ne se puke ne te EKT, e penei ki te taimi nei ko seai ne tino e lotu i te EKT i Niusila. Ko te laukele o tatiou tena, e mafai loa o fakatuu ne pisinisi i ei e pela mo ne pisinisi moa, fuamoa, puaka mo nis pisinisi aka.

Satini ne fakaasi a tena fanoanoa ki te EKT ona ko tena fesoasoani ki te Ielusalema fou kae ko tena mea totino tela ko te Lauolive ne panaki samu eilola mo te kaulotu i Suva, kae tenei ko fua mai a fuataga o te Lauolive, kae ko te Ielusalema fou e 25 tausaga kae ftoa kilokilo tatou ki ne fuataga.

Otinielu ne fesili fia maina, me ko te lipoti tenei, ko te 2010, kae kai a e se toka i ei a te lipoti o te 2011 mo te FL tenei?

Te lua o ana fesili, ona la ko te tuu mai o tau lipoti e fakaasi mai i ei a te tulaga negative o te Ekalesia, maise ko kaitalafu, kaati e gali moi ne isi se ata e aumai mo fakapaleni io me ko te

balance sheet ke matea i ei a te tulaga masei mo te tulaga lei. Fatoa mafai o fai se ikuga moi ne sae mai a te balance sheet. Kai a la ne se mafai i ei o aumai a te balance sheet?

Tali ne te FT me e toka a ia o print atu a kopi o te lipoti o te 2011 i te taimi nei ki so se usufono, kae ko te pogai e seki avatu i ei, me i opening balances katoa, ne provisional balances fua ona ko accounts koi tele mai loa i te 2006.

Ki te lua o fesili, e tena e iloa e isi se balance sheet i loto i te lipoti. Kae ne fakaasi aka ne ia me i te fakatokaga o accounts e se faigofie

Kalisi Pulekai ne fakafetai me e tenei a te ata o te mea ne fakafesiligina i te FL i Nanumaga. Kae pela mo te fakaasiga a Kitona ki te peti a te KAKEATU, e seai i a te KAKEATU me i a Sigano tokotasi e iloa a te peti.

Fesili a te Faifeau Fitilau Puapua me i te iloa atu nei me e seki toka a te fakatokaga o te Ielusalema Fou ki te tuku mai ki te EKT, e mata e toka ma fea?

Tali ne Siliga Tala me ko leva ne toka kae ko tau o nofo foki mo te ulu ofisa. Te tuuga nei o te Ielusalema fou i lalo o pepa a te malo, e tuu ki te igoa ko te Reformed Christian Church of Tuvalu in NZ (RCCTNZ) tela ko te igoa e register ki ei a te EKT i Niusila.

Ne Fakaasi aka ne te suuga i te FT Suamalie, me kafai ko loto a te FL ke fakafoki atu a te Ielusalema Fou ki te ekalesia tela i a ia, kaati e seai e iloa se fakalavelave i ei.

Fesili a te Faifeau Teleke Peleti me ko fea a accounts kola ko oti ne audit mo accounts kola seki audit?

Tali te FT me i te toe account fakamuli e iloa ne suke, ko te 2003, tela ne qualify ne te auditor, ne tuku te avanoaga ke toe fakatoka atu a nisi mea, tela ko oti. Mai i te tausaga tena ke oko mai nei, seki toe suke e iloa a akauni a te EKT.

Ne toe fesili a Teleke i te matea atu i te uke o tausaga seki mafai i ei o suke a akauni a te EKT, me se a nei a te fakanofoga o tulafono, me pefea a te leva e mafai o se suke i ei a akauni?

Tali a te FT me i tulafono, a akauni kola ne suke i te 2003 e 7 tausaga e tau o tausaga i ei fatoa mafai o fakama'sei. Kae i te vaitaimi nei, e tena ne fautua atu ke fai se taliaga ki se due diligence ko te mea ke mautinoa a te auala ki mua.

Fesili a Kitona me ko fea accounts ne fakatoka ne Simeona Iosia mo Tuafafa Latasi? Ne fakaasi mai ne laua me ko toka a accounts kae lave fua i te auditor. Ne seki mafai o aumai ki te FL a accounts kona ona la ko te Fakavae e manako ki audit accounts ke aumai ki te FL kae seai ko unaudited accounts.

Tali FT A te lipoti o te sukega o te tupe i te 2003 ne seki talia ne te auditor, tela ne toe fakatonu mai ke fakatoka atu a accounts fakalei, ne galue ki ei a te FT tenei ne oti atu nei. Kae ko te 2004 ne seki fakatoka me ne saga loa o fakatoka a akauni o te 2003.

Otiniehu ne fakafesili ke tai maina aka a ia i te uiga o te mea tenei ko te Due Diligence Audit? Tali ne te FT me i te mea tenei e fanatu ki loto atu o suksesukega, e tai 'loto atu i lo te normal audit. E detail atu a tena suksesukega kae tai 'loto atu a tena suksesukega, ko aumai i ei ne ia a se lipoti o vaivaiga mo malosiga, kae e aumai foki ne ia a paleni kola e mafai o fakaoga ne tatou. E aofia i tena suksesukega ko te system tela e fakaoga ne tatou.

Ne lagolago aka ne Alamatiga a te fautuaga ke fai se Due Diligence audit, mo tena fesili me kai a seki mafai o fakatonu a te tulaga tenei i FL e faa kola ne seki mai o maua i ei ne lipoti tupe kola ko oti ne suke.

Malolo te FL 12.30 fakatutonu.

Fakasoko te FL 2.00pm

Call to order te FL ne te takitaki fono.

Ne mua o tuku ne te takitaki fono a te avanoaga ki te suuga i te Tofi o FETU, faifeau Teatu Fusi ke fai a tena fakapulaaga.

Ne faka'pula aka ne ia a te manakoga ke talosia aka a te kaiga o te tamana tiakono malosi, Faifua Vaoese tela ne moe i te 2 i te vaveao o te aso nei i Wellington. Ko fakamolemole a ia ke manatua aka a te matua ko Ainoama mo te fanau i te vaitaimi tenei.

Tali ne te takitaki fono a te fakaasiga, ke ga'lue fakatasi mo te FA ke fakatoka se tusi o alofaaga mai i te FL ki te kaiga fanoanoa i NZ. Ne tuku a te avanoaga ki te faifeau toeaina i te pulega ki tua, Faifeau Suamalie Naisali ke takitaki mai ne ia a te talosaga mo te tulaga tenei.

Ne toe faka'soko a te fonotaga ki fesili mo mataupu mai i te lipoti a te FT.

Ne fakalua ne Satini Manuella a te fautuaga ki te due diligence audit, kae ne tali ne te takitaki fono me ko oti ne fakatalia a te fautuaga tenei i te lipoti a te FA. Ne fakatuu aka ne Siliga Tala ke na fai a te fakatokaga tenei fakavave.

Ne toe avaka ne Siliga Tala a te manatu ke na fakatuu a te komiti o tupe kae ke audit ne latou a accounts konei.

Ne fakatagi a Satini ke mafai o maua se avanoaga o te Komiti o te tupe manafai ko oti ne fakatuu, o toe kilo ki policies konei, ke toe review ne latou. Ne talia a te fakatagi tenei.

Ne fakasaga a te FL ki te fakatauga tupe 2013, ne fakaasi ei ne te takitaki fono me i loto i te fakataugatupe tenei, ko oti ne fakatino a te katikatiga ki lalo o tupe fakamaumau.

Ne fakamaina ne te FT a te fakatauga tupe, tela ne avaka foki i ei ne ia a te 'katiga o te tupe fakamaumau tela se 20% ko oti ne 'kati ki lalo.

Ne avaka ne te takitaki fono a te fesili e uiga mo te ikuga mai luga ke katikati a te tupe fakamaumau, me mata ko ma'lie a te usu fono i te katiga tenei ko tuu nei i te fakatauga tupe io me koi ma'nako eiloa ke tai katikati ifo eiloa?

**Ne malo'lo malie a te Fono Lasi i te 3:30 pm
Ne toe kamata a te fono lasi i te 4:00 pm**

Ne toe 'tala a te avanoaga ki te FL ki te fakatauga tupe, kae mai tua o sautalaga, fakafesiliga, fautuaga mo faitioga, ne avaka te mataupu ke fakatalia a te fakatauga tupe 2013.

Ikuga: Ne fakatalia a te fakatauga tupe 2013 ne te FL.

Ne fesili a te takitaki fono ki te FL ki se ikuga me toe 20 minute fua kae taa te lima, ne iku ke malolo te FL.

Ne akai fakaaloalo atu a te takitaki fono ki te suuga i a Saufatu Sopoaga ke fakaoti ne ia a te aso ki te talosaga.

Ne 'pono a te FL i te aso nei ne te suuga i a Saufatu Sopoaga ki te talosaga.

Ne malolo a te FL i te 4: 35

Fakamauga o Faipatiga i te Tolu o aso po 8 Tesema, o te 22 FL a te EKT

i Nanumea 2 – 16 Tesema 2012

Lotu taeao mo te sukesukega o te Tusi Tapu – 0800 - 0900 taeao

Ne takitaki ne te Faifeau Toeaina Paneta Maibuca.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamaumauga o mataupu ne faipatigina i te aso anafi. Ne fakapasiasia a fakamaumauga katoa.

Maitua o te fakataliaga o miniti io me ko faipatiga o te lua o aso o te FL ne fakasaga atu te FL mo mataupu a te Komiti Teuteu.

A. MATAUPU A TE KOMITI TEUTEU

1. Ko avaka fakamatupu ki te 'malu o te Fono Lasi ke mafai o fai aka se fakamaoniga aloaia ki sui ki loto i te Komiti Teuteu.

Fakamainaga:

A te mataupu tenei e mafua mai i te iloa atu i miniti o te 21 Fono Lasi i Nanumaga me seki ai se mataupu ne avaka ki te filiga o sui ki te Komiti Teuteu e pela mo te fakanofoga a te Fakavae. I te masina o Ianuali 2011 ne taumafai i ei a te Ulu Ofisa o fai se fakatokaga ko te mea ke mafai o isi se Komiti Teuteu e fakagalue ke oko mai ki te 22 Fono Lasi. A latou kola e aofia nei i te Komiti Teuteu:

'Malu Sui Pelesitene	Faifeau Tofiga Falani
'Malu Failautusi Aoao	Faifeau Tafue M Lusama
'Malu Failaiutusi Tupe	Petaia Meauma
'Malu Faifeau Toeaina Pulega ki Matuu	Faifeau Toeaina Semisi Nimo
'Malu Tiakono Toeaina Pulega Matuu	Kepasi Tefau
'Malu Faifeau Toeaina Pulega Saute	Faifeau Toeaina Paneta Maibuca
'Malu Tiakono Toeaina Pulega Saute	Taufia Savea
'Malu Faifeau Toeaina Pulega i te Laumua	Faifeau Toeaina Iosefa Mautinoa
'Malu Tiakono Toeaina Pulega i te Laumua	Iona Pilitati
'Malu Faifeau Toeaina Pulega i Tua	Faifeau Toeaina Suamalie Naisali
'Malu Tiakono Toeaina Pulega i Tua	Matua Helina Telii
'Malu Sui Takitaki Mafutaga Fafine	Matua Tangira Falani

Ikuga: Talia kae fakamaonia foki ne te fonolasi a sui filifilia ki te Komiti Teuteu

2. Ko avaka ki te 'malu o te Fono Lasi a te Mataupu ki se fakamainaga o te Ikuga Fono o te 20 Fono lasi i Nukufetau e uiga mo te taliaga o Fono fo'liki.

I te 20 Fono Lasi i Nukufetau, ne iku i ei ke fai a te Fono Foliki. E fakamolemole te 'malu o te Komiti Teuteu ki te 'malu o te Fono Lasi ke tai fakamaina aka a te ikuga tenei, me ko te ikuga tenei e se taliaga o fai a fono fo'liki i vasia o fono 'lasi katoa, io me se taliaga fua o se fono faopopo tela ne fakataunu i te 2009 i Fakaifou, Funafuti?

Koi fai manatu te fonolasi kae ko ta te taimi o te vaiaiga, malolo malie iei te fonolasi i te 10.30am.

Toe fakasoko te fonolasi i te 11.00am, call to order te FL ne te takitaki fono.
Ne toe fakasoko a faipatiga ki te mataupu 2.

Ikuga: Te fonolasi ne kilo ki te fakafesiliga tenei kae ne iku aka ke seai ne fono foliki i vasia o fonolasi.

3. Te 'malu o te Fono lasi, ko avaka faka matupu ke mafai o fakamalosi aka ki 'malu o ekalesia mo kaulotu katoa i loto i te Ekalesia kelisiano Tuvalu, ke mafai o fakaoko mai a lotou taulaga ki te Ulu Ofisa i te masina loa e oti i ei a te faiga taulaga, kae ke se siliga mo te tolu masina mai tua o te masina e fai i ei a taulaga.

Fakamainaga:

I loto i galuega fai a te Ekalesia Kelisiano Tuvalu, a tena alaga sene e iloa e tasi tela e fakalagolago ki ei mo fakatele a tena fakatauga tupe i tausaga takitasi, ko te faiga taulaga, e tenei foki e iloa a te pogai ne tuku i ei a te tausaga faka tupe o te EKT ke kamata i a Mee kae fakaoti i a Apelila i tausaga takitasi. Ko tena uiga, kafai ko kamata a te tausaga fakatupe mo tena fakatauga tupe, kae ko oti ne 'tau o maua a te sene o faiga taulaga o te tausaga mo fakataunu a te fakatauga tupe. Kae kafai la e 'lave a te fakaoko maiga o taulaga ki te Ulu Ofisa, ka lasi kii a te pokotia o polokalame o te tausaga tena.

Ikuga: Ne lago ne te fonolasi te mataupu mo te fakamalosi ke fakamalosi a ekalesia mo kaulotu ke amanaia ne latou te fakanofoga o te Fakavae fakapitoa mo te faiga taulaga.

4. Ko fale 'nofo o tino ga'lue

Ko avaka ki te 'malu o te Fono Lasi a te fakatagi a te Komiti Teuteu, ke mafai o maua se fesoasoani mai i Pulega takitasi ki te faitega o fale 'nofo o tino ga'lue a te Ekalesia Kelisiano Tuvalu.

Fakamainaga:

A te tulaga o fale 'nofo o tino ga'lue a te EKT i te Ulu Ofisa ko tuu e iloa ise tulaga fakaaalofa kii e iloa, tela ko se tau e iloa se tino o nofo i loto. Kafai e see toe faite faka'lei aka a fale konei kae ko tino ga'lue ka faka'nofo ki fale rent, e lasi kii e iloa a te sene a te EKT ka fano ki rent o fale. I te vaitaimi nei, e se mafai e iloa ne te malosia tau sene o te EKT o fakatuu a fale konei. Ko avaka ki te 'malu o te Fono Lasi tenei a te aofaga mo se fakatagi ki 'malu o Pulega ke mafai o taa nme latou ne fale fogafale lua e faa, tela ko tena uiga e tofu a te Pulega mo tena fale e faite.

Ikuga: Ne talia ne te fonolasi te fakatagi kae manakogina ke tuku ki pulega ke toe faipati fakalei kiei manafai ko toka a nisi me a kola e manakogina ke fakatoka mai ne te Ulu Ofisa.

5. Ko te mataupu ki te fakataliaga o te Lisaina o Konelio Tegei mai i te tofiga Faifeau.

Fakamainaga:

I te 21 Fono lasi i Nanumaga, ne 'tofigina i ei a te te suuga i a Konelio Tegei mo tena Faletua ke tausi ne laua a te kaulotu i Niulakita mo se leva e faa tausaga (2010 – 2014). I te masina o Mee i te tausaga e 2011, ne tiakina i ei ne Konelio a te Kaulotu i Niulakita o ma'laga mai ki Funafuti mo te fakamatalaga i a laua e olo ki te fakaimasaki. Ne seki leva i luga i te laumua, kae fakaoko mai a tena tusi lisaina mai i te tofiga faka faifeau o ia. Ne fai a te galuega fesoasoani a Ofisa o te EKT ki ei, kae ne seki mafai e iloa o mafuli tena mafaufau. Ne avaka a tena fakatagi i te fono a te Komiti Teuteu i te masina o Oketopa i te 2011, kae ne iku ke fai se galuega fesoasoani ki ei. Ne 'kami mai ne te Komiti Teuteu, kae ne fai a faipatiga fakamalosi ki a Konelio, kae ne fakaasi aka e iloa ne ia me ona e iloa ko fakalavelave tau ki tena kaiga, tela ko se mafai e iloa ne ia o fai a te galuega. Ne fakatalia foki loa i ei ne te Komiti Teuteu a tena lisaina.

Ikuga: Fakamaonia ne te FL te lisainaga o Konelio Tegei

6. Fakamaoniga o te tofiga o te Faifeau Telala Noa ke tausi ne laua mo tena faletua a te Kaulotu i Niulakita.

Fakamainaga:

Mai i te taimi e iloa tela ne tiaki i ei ne Konelio a Niulakita, ne 'tofi i ei ne te Ulu Ofisa a te Faifeau Telala Noa mo tena Faletua ke tausi aka ne laua a te kaulotu i Niulakita ke oko ki te taimi e fai i ei a se fakatokaga a te Komiti Teuteu. I tena fono i te masina o Oketopa tela ne fakamaonia i ei ne ia a te lisaina o Konelio, ne fakamaonia foki i ei ne te Komiti Teuteu a te suuga i te Faifeau Telala Noa kle fai mo Faifeau o te kaulotu i Niulakita.

Ikuga: Talia ne Fono Lasi te fakamaoniga o te tofiga Faifeau Telala Noa mo te faletua ke tausi ne laua te Kaulotu i Niulakita.

7. Fakamolemole ki te 'malu o te Fono Lasi ke fakatalia aka a te Palani Saukatoa tela e fakaigoa ki te "Vaka Fakatauala" a te Ekalesia Kelisiano Tuvalu.

Fakamainaga:

I te masina o Iluai 2011, ne fakataunu i ei a te mafutaga kaufakatasi a te EKT i luga i te laumua i te taumafaiga o faite se palani saukatoa ma te EKT i te 5 tausaga tela e kamata mai i te 2012 ki te 2016. A te palani tenei, e aofia i loto ko mataupu, polokalame fakatasi i ei mo nisi manakoga o te EKT kola e manako ke fakataunu i loto i te 5 tausaga tenei. E tenei foki a te palani ka fakagalue ki ei a te Ulu Ofisa mo ana gasukesukega. A te fakatauga tupe foki o tausaga takkitasi ka faite katoa e iloa fuafua ki manakoga o te palani tenei.

Ikuga: Talia ne te Fono Lasi te fakatokaga o te Palani Saukatoa (Te Vaka Fakatauala).

8. Ko masina e fai i ei a te Fono Lasi

Fakamainaga:

I te 21 Fono Lasi i Nanumaga, ne matea i ei ne tatou a te faigata o te fakataunuga o te Fono Lasi i vaai masina fakaoti o te tausaga, ona e iloa ko te pogai taaua me ko te vaaitau ko fakalavelave i ei a tino i lotou fanau malolo mai i akoga, kae maise ko vaka o te atufenua e saitia kii i te vaiata tenei. Ko avaka i ei faka fautuaga ki te 'malu o te Fono Lasi, ke toe onono faka'lei aka ki te masina e fakataunu i ei a Fono 'Lasi, ko te mea ke mo aa e toe too ki masina fakalave'lave konei o te tausaga.

Ikuga: Ne seki lago ne te Fono Lasi te mataupu kae ne iku ke tuku mua aka loa penei mo te vaiata tenei.

Tenei lo a te toe mataupu mo te aso malolo iei te Fono Lasi mo te aso 12.30pm fakatutonu.

Fakamauga o Faipatiga i te Faa o aso po 10 Tesema, o te 22 FL a te EKT

i Nanumea 2 – 16 Tesema 2012

Lotu taeao mo te sukesukega o te Tusi Tapu – 0800 - 0900 taeao

Ne takitaki ne te Faifeau Toeaina Paneta Maibuca.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamauga o mataupu ne faipatigina i te aso Ono po 8 Tesema. Ne fakapasiasia a fakamauga katoa.

Maitua o te fakataliaga o miniti io me ko faipatiga o te tolu o aso o te FL ne toe fakasaga atu te FL mo mataupu a te Komiti Teuteu.

9. Ko te manakoga ki se Pulega ma Fiiti

Fakamainaga

Ko avaka ki te 'malu o te Fono Lasi ke mafai o fakatuu a se pulega ma ekalesia mo kaulotu a tatou kola e tuu i te fenua ko Fiiti. Te fakamolemole tenei ne fakaoko mai ki te Komiti Teuteu mai i ekalesia mo kaulotu a te EKT i Fiiti, kae tenei ko avaka ki te 'malu o te Fono Lasi ke mau se ikuga ki ei.

Ikuga: Talia ne te Fono Lasi te manakoga ki se Pulega ma Fiiti

10. Ko te fakatagi a te Pulega ki Matuu

Fakamainaga:

Ko oti ne fakamaonia a te manakoga o te EKT ke mafai o fakaga'lue ana pulega i te tulaga e tau o fakaga'lue i ei, e aofia i te fakamoemoega tenei, ko asiasiga a Faifeau

Toeaina mo Tiakono Toeaina ki pulega a laua, ko fonotaga faka Pulega, ko polokalame fakatau fakamalosia faka Pulega, ko atiakega faka Pulega mo nisi o gasukega kola e fai faka pulega mo te fakamoemoega ke maua ne fakamalosiga ki tino mo ekalesia a te EKT. E tasi o faigata e fakafeagai mo te Pulega i Matuu, ko alagavaka, ona la e faigata o fakataunu a fakamoemoega o te Pulega ne faigina ne te vaka e fano i ana alagavaka kola e taki tolu a fenua e fano ki ei. Ko avaka te fakatagi ke mafai o fakamafuli a Pulega ke fakatulaga penei:

Pulega Matuu	Nanumea, Nanumaga, Niutao
Pulega Kogaloto	Nui, Vaitupu, Nukufetau
Pulega i te Laumua	Funafuti, Vaiaku, Fakaifou, Lofeagai, Kavatoetoe, Amatuku, Nukulaelae, Niulakita
Pulega i Tua	Niusila, Fiiti, Hawaii, Masela

Ikuga: Ne talia foki ne te Fono Lasi a te manakoga o te Pulega ki Matuu ke fakamafuli a Pulega mai tulaga tenei e nofo nei iei. Mai taliaga tenei, a Nui ko to ki te Pulega ki te Kugaloto, Nukulaelae mo Niulakita ki te Pulega ki te Laumua, kae ko Fiti ko isi loa sena Pulega pela loa mo te taliaga ki te manakoga i te mataupu 9 tena mai luga.

Malolo te Fono Lasi mpo te inuga tii i te vaiaiga i te 10.25am

Toe fakasoko te Fono Lasi i te 11.00am, call to order te Fono Lasi ne te Takitaki fono kae toe fakasoko faipatiga ki mataupu a te Komiti Teuteu.

11. Se fakamaoniga o te Loia o te EKT

Fakamainaga:

Ko fakamolemole ki te 'malu o te Fono Lasi ke fakatalia aka a te fai o te matua ko Saini Malalau mo Loia a te Ekalesia Kelisiano Tuvalu, e fautua kae fesoasoani ki mataupu katoa tau te tulafono.

Ikuga: Ne talia kae fakamaonia ne te Fono Lasi ke fai te matua ko Saini Malalau mo Loia a te Ekalesia Kelisiano Tuvalu.

12. Fakatokaga mo te fakatupega o te Fetuvalu

Fakamainaga:

I te 21 Fono Lasi, ne iku i ei i te palani o te fakatupega o te Fetuvalu, ke mafai o fai tusaga ki ei a vaega kesekese o te EKT. E pela e iloa mo te mea ne matea ne te 'malu o te Fono Lasi me e foliki kii a te aofaki o latou kola ne fakamaoni ki te ikuga tena. Ko avaka faka mataupu ki te 'malu o te Fono lasi a te mataupu tenei, ke maua a se ikuga ke fakapitoa a se aso tapu e tasi i masina katoa mo fai a te ipu lafolafu a ekalesia mo kaulotu katoa i loto i te EKT mo fesoasoani ki te fakatupega o te Fetuvalu.

Ikuga: Ke faipatigina fakatasi mo te lipoti a Fetuvalu mafai ko avaka

13. Fakataliaga o Fakanofonofoga kola ko oti ne lloilo ne te 'malu i te Komiti Teuteu.

Fakamainaga:

E uke a fakanofonofoga (policies) kola ne mea e iloa e 'tau o isi i so se fakapotopotoga e fakateletele ki ei, kae ko fakanofonofoga katoa konei e tau e iloa o a'luga ki lotu i te Fakavae tusi o te Ekalesia Kelisiano Tuvalu. Ko avaka a fakanofonofoga konei ke maua se fakamaoniga mai i te 'malu o te Fono Lasi.

Ikuga: Talia ne te Fono Lasi a fakanofonofoga (policies) kola foki ne avaka i lipoti a te Failautusi Aoao mo te Failautusi Tupe.

14. Ko te fakamalosiga o te Fakavae Vaega Lua: 11(5)

Fakamainaga:

Ko avaka ki te 'malu o te Fono Lasi ke maua aka se fakamalosiga o te vaega o te Fakavae tenei, tela se fakamafuliga ne iku i te 21 Fono Lasi a te Ekalesia Kelisiano Tuvalu. Te vaega tenei e fakatonu mai ke mafai ne te Ulu Ofisa o maua a mataupu katoa a ekalesia, kaulotu, Vasega mo Fakapotopotoga katoa e lua masina mai mua o te aso e kamata i ei a te Fono Lasi. Ko te agaaga maluga o te mataupu, ko te mea ke mafai o fakatoka ne ter ulu ofisa a mataupu ko fakaoko atu i ei ki ekalesia mo kaulotu katoa ke mafai o fai ne lotou matnatu faka ekalesia/kaulotu ki mataupu koituai o ma'laga mai a lotou sui ki te Fono Lasi.

Ikuga: Talia ne te Fono Lasi te mataupu ke fakamalosiga aka te vaega 11(5) tela e faipati fakapitoa ki te fakaokoga o mataupu ki te Fono Lasi mai ekalesia, kaulotu, mo vasega ki te Ulu Ofisa e 2 masina maimua o te taimi kamata o te Fono Lasi.

E. Mataupu a Ekalesia mo Kaulotu

Koituai o faipati te Fono Lasi ki mataupu mai ekalesia, kaulotu, mo vasega ne avaka ne te Failautusi Aoao me se a tulaga o te Fono Lasi ki mataupu konei ne talimuli mai ki te taimi pono e pela mo te vaega 11(5) o te Fakavae, e 9 ekalesia/kaulotu kae 3 a vasega.

Ikuga: Talia ne te Fono Lasi ke faipatigina a mataupu konei ne talimuli ki te taimi pono mo te 22 Fono Lasi fua. Mo te 23 Fono Lasi ko tautali loa tatou ki te Fakavae.

E(i). Mataupu Ekalesia Nanumea.

Ko fakatagi atu i te agaga o te ava mo te fakaaloalo ki te malu o te Fono Lasi ke avake a mataupu a te motou ekalesia ke maua ne ikuga ki ei:

1. GALUEGA TALAI (OUTREACH & EVANGELISM)

(a) Fakamolemole ki te Fono Lasi ke fakatu se desk mai lalo o te 'Mission' mo Galuega Talai (Outreach and Evangelism)

(e) Ke fakatu i loto i te budget se aofaki tupe mo fai a te Galuega Talai tenei

Fakamatalaga

- i. Te aofaki o tino i loto i te Ekalesia Kelisiano Tuvalu e gasolosolo loa o fanaifo malielie te aofaki o tino i tausaga takitasi
- ii. Te galuega fakafeifeau i fenua se galuega faka tausi mamoe (pastoral ministry)
- iii. Tenei te aofaga mo toe avaka ki luga te foinumela o tou kaulotu
- iv. Te team tenei e pela mese 'falaoa fou' ki tino mo fenua mana oko atu o galue kae fai a olotou polokalame

Ikuga: Talia ne te FL ke tapale te vaega (a) mo te (e) kae ke fakamalosi la te tulaga o te galuega talai tela ko iloa atu nei ko oti ne kamata i te Ulu Ofisa mo te fakamoemoega ke fakaoga la fanau konei ko iku mai i akoga fakafeifeau.

Malolo te FL mo te kaiga i te tutonu i te 12.30pm.

Ne toe tuu aka a te FL i te 2 i te fakaafiafi

2. GALUEGA FAKA FAIFEAU

Ko te Galuega faka Faifeau ke fakataua, atiake, Iloilo, sukesuke (evaluation) ke fetau tonu mo manakoga o aso nei

- Fakataua: e fakauiga ki te galuega faka faifeau ke gasue mai te tuku saoloto o te faifeau o fai ana polokalame mo akoakoga i loto i te fa tausaga e nofo a ia i te fenua ki te fakatele fakalei a polokalame mo akoakoga ke tasi te Atufenua i mataupu mo polokalame. Ko tona uiga ko tau loa a te Ulu Ofisa o faite ne ia se polokalame mo fai se guide-line mo galue a faifeau katoa.

Ikuga: Talia

- Atiake: E fakauiga ke maua sale ne avanoaga toetoe mo atiake te atamai kae faka felesi ake a iloa i te galuega mo te Mataupu Silisili o aso nei. Ke fakatoka ne workshop mo seminars ma faifeau ko te galuega faka faifeau ke fetau mo te olaga i aso nei

Ikuga: Talia

- Iloiloga - E taua ke iloa lei ne te Ulu Ofisa a te Galuega i ekalesia mo kaulotu tela la, e taua ke isi ne lipoti a te faifeau mo te lipoti mai te ekalesia ke aumai faeloa. Tenei te auala e mafai o iloa ne te Ofisa te tusaga tonu e tau o fai ki te ekalesia io me ko te kaulotu.

Ikuga: Ne iku i te Fono Lasi ke nofo eiloa penei mo te nofoga nei, ko te Lipoti a te Faifeau ke aumai ki te Ulu Ofisa i tausaga takitasi

- Sukesukega (evaluation) Nea a tatoga, nea foki a malosiga e tau ke maina lei a te ofisa i tulaga o ekalesia mo kaulotu takitasi - te faifaiga tenei ka lei atu i ei te tautuaga o te galuega a te Aliko i fenua mo ekalesia.

Ikuga: E pena eiloa mo te ikuga tena mai luga

- Mai i loto o fakatokaga konei, ko mafai i ei o matemategina a auala, polokalame, mo akoakoga kola e tau o fakamalosigina ko te Muna a te Atua ke fetau tonu mo taimi.

Ikuga: Te taliaga a te FL e fakavae mai luga i te ikuga tena mai luga o te bullet point napa 3**2. FAKASAOLOTO TE FAIFEAU KE GALUE I TONA FENUA**

Te Fono Lasi ke onono ake ki ikuga kola ko fakagalue i ei a faifeau i olotou fenua tonu. Te fakavae e se kaufakatasi mo ikuga konei ne fai. Ona la ko tulaga tenei ko faisoko, ko manatu te ekalesia a matou ke fakasaoloto i loto i te fakavae te mafai o galue te faifeau i luga i tona fenua tonu.

Fakamatalaga

Te muna a Iesu me se malu te pelofeta i luga i tona fenua tonu, i loto i tona kaiga mo tona fale, e 'se fakauiga ko te faifeau e tapu e galue i tona fenua tonu.

Ikuga: Ne taofi ne te suuga i te faifeau o Nanumea ona ko fakaasiga me e tuu maloo ki te Fakavae.

1. TE CAMP MO TE MAFUTA A TALAVOU

Te Fono Lasi ke faka manuia ne ia ke fakasoko a polokalame a Talavou pela mo te National Camp mo te Mafutaga a Talavou

Ikuga: Ne talia ne te FL a te manakoga o te mataupu tenei.

1

5. FAU A FAIFEAU KOLA KO GALUE TUMAU I SO SE GALUEGA

Fakamolemole te Fono Lasi ke kilo ake ki te mafai o fau a latou kola ko oti ne iku manuia a olotou akoga faka faifeau kae e galue tumau nei i nisi tofiga i te malo io me i kamupane mo fakapotopotoga.

A latou konei ko galue tumau i galuega a latou ka mafai o fakaaoga i tusaga faka faifeau i koga kona e galue i ei. I te faifaiga tenei ka se vave o tele mai a tou tamaliki ki avanoaga konei i te EKT kae ko mafai loa o fai a tusaga fakafaifeau i kona e galue i ei

Se auala e mafai ei o atili fakalauefa te Muna a te Atua i koga konei e galue i ei a tou fanau konei. Kafai e talia o fai a te fakatokaga tenei, e tau foki loa o fai ne fakanofoga lei e pela mese M.O.U mo puipui a vaega kola e mafai o pokotia.

Ikuga: Ne iku i te FL ke nofo eiloa pela mo te Fakavae, tela e nofo loa i te fakasoaga a te Komiti Teuteu.

Ne fakagata a te FL i te itula e 3 i te fakaafiafi ona ko te manakoga o te fenua.

Ne kalaga fakaaloalo atu te takitaki fono ki te FT o te pulega i te Laumua, Faifeau Iosefa Mautinoa ke pono ne ia a te FL ki te talosaga.

Fakamauga o Faipatiga i te Faa o aso po 11 Tesema, o te 22 FL a te EKT

i Nanumea 2 – 16 Tesema 2012

Lotu taeao mo te sukesukega o te Tusi Tapu – 0800 - 0900 taeao

Ne takitaki ne te Faifeau Teleke Peleti.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamauga o mataupu ne faipatigina i te aso Gafua po 10 Tesema. Ne fakapasia a fakamauga katoa.

I te otiga o te fakapasiaga o fakamauga o miniti, ne fakasaga atu i ei a te FL ki te faka'sokoga o mataupu mo fakafesiliga mai i Ekalesia mo Kaulotu.

MATAUPU FUNAFUTI

1. Fakamolemole te fonotaga a te ekalesia, ke mafai aka o na fauu a fanau a te motou ekalesia kola ko oti ne iku manuia mai i akoga faka-faifeau.
Ikuga: Ne iku i te FL ke nofo loa tatou pela mo te Fakavae, tela ko te fakasoaga a te Komiti Teuteu.
2. Fakamolemole te fonotaga lasi a te ekalesia, ke mafai o isi aka se sui ma te kau-fai-pese ki loto i fonotaga a te ekalesia.
Ikuga: Ne taofi a te mataupu tenei me e tuu malo ki te Fakavae Vaega Lua 9(3).
3. Fakamolemole te fonotaga a te ekalesia, ke mafai o fakamafuli aka te vaega o te fakavae napa 32.9 ko te faifeau ke tai solooki ifo tausaga litaea o ia mai i te 70 ki te 65, ko tona uiga, oko ki te 65 oti loa, se toe fanatu ki luga atu.
Ne matea aka me e tai seke a te vaega o te Fakavae tela e aumai ki ei a te Mataupu, kae ne talia ne te FL ke fakamafuli ki te 32(10).

Ikuga: Ne seki talia a te mataupu tenei ona ne seki maua a te lua vae tolu
4. Ona ko te kilo alofa atu o te motou ekalesia ki te tokouke o fanau a tou ekalesia konei ko iku manuia mai olotou akoga faka-faifeau, konei fua ko nofonofo mai nei, ko

fakamolemole atu te motou ekalesia ki te fonotaga malu tenei, me mafai o kilokilo aka tatou ki ne auala e mafai ei o fakaaoga tou fanau konei.

Ikuga: Ne fakaasi aka ne te Tiakono Matua me ko ma'lie a usugafono ki te fakanofoga tela ne fakaasi mai ne te Ulu Ofisa me konei e fakaoga i te polokalame talai.

5. Ona la ko te uke o mamilimiliga i aso nei, ko fakatagi atu ei te motou ekalesia ki te malu o te fonotaga a tou ekalesia, ke mafai o fai se iloiloga o te fakavae i te taki 4 tausaga, kae lei la me tela loa e mafai o fai ne fakamafuilfuliga i taimi o fonotaga i te 2 tausaga.

Ne faopoopo ki te mataupu ko te komiti o te Fakavae tenei ne iku ke fili, ke tuku ne ia a te avanoaga ki ekalesia mo kaulotu katoa a te EKT ke fai mai ne lotou manatu ki te iloiloga tenei ko oti ne talia.

Ikuga: Ne talia a te faopoopoga tenei ki te mataupu a Funafuti.

Ikuga ki te mataupu a Funafuti: Ne talia ne te FL ke fai a iloiloga o te Fakavae i te taki 4 tausaga, kae ke tuku ne te komiti o te Fakavae a te avanoaga ki ekalesia mo kaulotu katoa a te EKT ke fai a lotou iloiloga ki te Fakavae ko fakaoko atu i ei ki te Komiti o te Fakavae.

6. Fakamolemole ki te EKT, ke mafai o fakatele aka te EKT ki te Model tela e fakatele kiei a Congregational Church.

Ne avaka ne te takitaki fono a te tusi akai a te Ulu fenua o Funafuti tela ne akai mai ki te 'malu o te Fono Lasi ke mafai o maua se taliaga ke faipati a te suuga i a Siliga Kofe i te mataupu tenei a Funafuti.

Ikuga: Ne talia ke tuku a te avanoaga ki a Siliga Kofe ke faipati ki te mataupu tenei.

Ne fai a te faipatiga a te suuga i a Siliga Kofe e auala i se powerpoint presentation.

Ikuga ki te mataupu a Funafuti: Ne seki talia ne te FL a te mataupu tenei ona ko fakamunamunaga o te mataupu.

7. Fakamolemole te Fonotaga malu a te EKT, ke mafai o fili lo ate fenua i tena faifeau, kae ke fakatapula loa ki te 4 tausaga e pela loa mo te nofooga tenei.

Ikuga: Ne taofi ne te Tiakono Matua ona me e taia i te Fakavae

FESILI :

1. Nea nei a mataupu i mataupu kola ne faipatigina i Nanumaga ko oti ne fakataunu, kae nea foki a mataupu kola e seki fakataunu?
 - a. Nea pogai ne seki fakataunu ei?

Ikuga: Ne tali ne te FA me i ikuga kola ne manakogina ke fakataunu mai i te 21 FL kona katoa ne 'sae atu i te lipoti a te FA, kae ko nisi ikuga kola ne seki fakataunu, ona eiloa ko te tulaga vaaivaai tau sene o tatou i te vaitau tenei.

2. Mata e mafai o maua aka ne copy ma ekalesia ki se ata maaea o te kaitalafu a te ekalesia?

Ikuga: Ne tapale ne te Tiakono Matua o te ekalesia Funafuti ona ko oti ne maua a fakamatalaga konei mai i te Lipoti a te Failautusi Tupe.

MATAUPU NANUMAGA

Fakamalosiiiga io me se Fautuaga fesoasoani kite Fonolasi

I te ava mote fakaaloalo kite 'malu o te Fonolahi, ko avaka te fakamalosiiiga mai te fenua o matou ko Nanumaga ke moaa e toe tupu he mea penei ite tauave ki tafa ate tifakiiga o manatu iloto ite fonotaga e pela mote mea ne molimaugina ki mata nete Ulusina ote motou fenua ite fonolahi i luga ite motou fenua 2010.

Ikuga: Ne talia ne te FL a te fakamalosiga tenei.

Fesili

1. Ko saoloto nei fanau Faifeau ke galue iluga i olotou fenua tonu?
Ikuga: Ko oti ne taviligina
2. Ko iai nei he ata ote mafutaga (summit) ite 2011 ko fakagalue nei sena vaega?
Ikuga: Ko oti ne taviligina
3. Mata nei e mafai ke maua ne Ekalesia i fenua i tua se tala tupe ote tauasaga i vasia o fonolasi kolaa e avaka ana lipooti ite fonotaga ate Komiti Teuteu?
Ikuga: E mafai, me e tena eiloa a te taumafaiga nei, ke mafai o fai a tala tupe i tausaga katoa, kae i te vaitaimi nei, e seki toka a te system a tatou, kae e toka a te ofisa o te FT manafai e manako a te FL ke fakataunu a se fakamoemoega pena i aso mai mua.
4. Sea nei te tulaga ote fakavae ote EKT telaa ne seki talia ite toe fonolasi i Nanumaga?
Ikuga: Ko oti ne taviligina
5. Sea nei te tulaga ote Kaitalafu ote EKT, toe fia nei koi toe kae ko fia foki kooti ne 'tina?
Ikuga: Ko oti ne taviligina

Mataupu

1. Malu te Fonolasi, ko fanau ko iku mai olotou akoga faka faifeau ko te mea ke mafai o maua se taliaga mai tena Ekalesia o avatu sena Lipooti e fautua i ei ki te Komiti Teuteu ana galuega ne fai i loto i te Ekalesia tena koi tuai o fauu a te fanau tena.

Ikuga: Ne talia kae fakamaonigina a te mataupu tenei ne te FL.

2. Ko te Fonolahi ke fai ana fakatokaga io mene puipuiga o agai a fakalavelave i loto i te Ekalesia.

Ikuga: Ne talia ne te FL a te mataupu tenei.

Mataupu kite Fetuvalu

1. Kote Fonolahi ke tali neia ke fautua kite Maloo ote Aho “Ko pepa sukega ote vasega 6 i loto o te Fetuvalu konei e suke ki ei mai te Cambridge University fakamolemole loa kote Maloo ote Aho ‘ke togi ake la ne ia pela loa mote Akoga ko Motufoua e togi ne ia a pepa sukega ate form 6 PSSC me ne fanau Tuvalu katoa.

Ikuga: Taofi ke faipatigina i te taimi o te lipoti a te Fetuvalu

2. Kote Fonolahi ke talia ne ia ko Fetuvalu ke na kamata o fakatoka he Entrance Exam ma te Akoga ke pela loa mote akoga Motufoua.

Ikuga: Ko tuku ke faipatigina i te taimi e fai i ei a te lipoti a te Fetuvalu.

Mataupu kite Akoga Aso Tapu

1. Kite ‘malu ote Fono lasi, fakamolemole ke mafai o maua se avanoaga mo se sui ote vasega kote Akoga Aso Tapu ki loto i sui ote Fono Lasi ke mafai i ei o fai olotou mafutaga io me ne fonotaga i taimi e fai i ei te fonolasi ate Ekalesia Kelisiano Tuvalu.

Ikuga: Ne taofi a te mataupu tenei ona e taia i te Fakavae.

2. Ona la ko te lasi kae uke foki a faitioga ki loto i te Tusi Lesona foou tenei ko fakaaoga nei ne Ekalesia katoa ote Atufenua,

a) Ko te ‘mao o Ulutala mo te Kalena mo te EKT maise ki lotu fakapitoa e pela mote Malu mote Toetu.

b) Ko tusi faitau e seai i loto i Ulutala, penei mote Tausaga 13, mataupu 12 Te Aso o Tamana tela e seai sena tusi Faitau.

Tela ko avake i ei te mataupu tenei ki te Fonolahi ke toe lloilo ake a te Tusi Akoga Aso Tapu.

Ikuga: Ne talia ne te FL a te mataupu tenei.

Mataupu a te Ekalesia i Nui

1. Fakamolemole kite Fono Lasi, ke toe onoono aka ki tulaga o Faifeau i fenua mo Ekalesia, ke moaa e fakamalolo valevale seki katoa te 4 tausaga ote feagaiga.

Ikuga: Ne talia ne te FI ke fai a te mataupu tenei mo fakamalosiga o te Fakavae Vaega 4 (4).

2. Te ‘Malu ote Fono Lasi ke toe mafai aka loa o fai se faiga ke toe fakafou te Tusi Tapu mua, e pela loa mote ikuga taluai, kae konei a vaega kola e tau o fai ki ei te galuega;

➤ Faite tena cover ko te mea ke mafai o sipi, ke puipui ei te Tusi Tapu

➤ Ke toe fakasaosao aka fua a naai muna (typing error) i loto.

➤ Ke tai fakafoliki malie ke tai faigofie te aveave

Ikuga: Ne talia a te mataupu tenei i tena bullet point napa tasi mo te tolu.

3. Fakamolemole ki te 'malu ote Fonolasi, ke mafai aka ne Vasega a te Ekalesia, o fakaasi ne olotou tusaga i taimi o te Fonolasi a te Ekalesia.

Fakamainaga:

E masani o lua saale a vaiaso ote Fono, e mafai o fakaaoga te vaiaso muamua ke fakaasi ei a tusaga o Vasega. Eg; Talavou i olotou pese faitaga mo olotou drama, Kaufaipese i se lotou Choir competition, kae ke maimoa te Ekalesia ki taumafaiga a latou...se taumate se auala foki e tasi e 'fagu ei agaga o latou, vasega konei a te Ekalesia...ko isi sena malosi ona me e fakataufai mo te sua vasega a te sua fenua io me se Ekalesia.

Ne malolo malie a te FL ki te vaiaiga i te 3:30 pm.

Ne toe kamata a te FL i te itula e 4 i te fakaafiifi, tela ne kalaga fakaaloalo atu i ei a te takitaki fono ki te suuga i te Sui Pelesitene, Faifeau Tofioga Falani ko te mea ke fai ne ia a muna fakamafanafana ki te matua faletua ko Lavenia Teatu e tusa e iloa ko te moe filemu o tena tamana Lonitoni Panapa i te fenua ko Vaitupu i te tutonu o te aso nei.

Ne fai e iloa a te tusaga tenei ne te suuga i te sui Pelesitene a te tusaga fakamafanafana ki te matua ko Lavenia mo Teatu mo te fanau, kae ne tuku atu a te avanoaga ki te suuga i te FT Paneta Maibuca ke fai ne ia a te talosaga.

Ne toe fakasaga atu e iloa a te FL ki te faiga o te ikuga o te mataupu a te ekalesia i Nui.

Ikuga: Ne talia ne te FL a te mataupu tenei kae ko te taimi e fai i ei, ke tuku atu ki te Komiti Teuteu ki tena fuafuaga fakatasi mo te matagaluega o Vasega mo Kau, kae seai ko te faka'piki ki taimi e fai i ei a te FL i te vaitaimi nei.

4. Fakamolemole ki te Fonolasi, ke toe onoono aka ki tena fakavae. Ke tumau te malosi mo te fakaloaloga, kae moaa e fakagasue io me fakamakosu valevale.

FAKAMAINAGA:

E fakauiga te mataupu tenei, kit e case o te suuga ia Manuka Kennedy, te Fakavae e fai ma i ite vaega 4, maga 8, "E se 'tau se Faifeau ke galue iluga i tena fenua tonu" kae lavea atu nei pela meko makosu te vaega o te fakavae tena.

Ikuga: Ko oti ne faipatigina

5. Fakamalosiga ki Ekalesia ke moaa e toe fai te uiga tenei ko te filifili Faifeau. Ko lavea atu nei ka fai pela me se masani, kafari e se fiafia te fenua tena i se tavini ko tofi atu ke galue ia latou, ko olo o fakatagi ke aumai se isi Faifeau.

Ikuga: Ne talia ne te FL a te mataupu tenei ke fai mo fakamalosiga ki ekalesia ke se filifili Faifeau, kae ke fakamalosia foki ki Faifeau ke fai faka'lei a lotou galuega.

6. Fakamolemole ki te Fonolasi, ke mafai o fakamafuli a Pulega. Te agaga katoa o te mataupu ko alaga vaka ke faigofie ki polokalame fakatele a Pulega...

FAKAMAINAGA

Pulega ki Matuu : Nanumea, Nanumaga, Niutao

Pulega ki te Kogaloto: Vaitupu, Nukufetau, Nui

Pulega kite Laumua : Funafuti, Fakaifou, Lofeagai, Vaiaku, Nukulaelae, Niulakita

Pulega o Vanuaviti : Suva, Visari, Kioa

Pulega New Aussie : Wellington, Pukekohe, Australia etc

Pulega i Hawaii:

Ikuga: ko oti ne faipatigina

7. Fakamolemole ki te Fonolasi, ke moaa e toe fai te Fonolasi a te Ekalesia Kelisiano Tuvalu vai tau o aso lasi, Kilisimasi mo Tausaga fou. (vaitau ko tau ei tino o sauniuni mote oko mai ote Mesia, Matua ko fakatalitali ki olotou fanau ko foki mai akoakoga, mo Faifeau e tau loa o nofo i olotou Ekalesia i vai tau konei, kae ke toe fakafoki e iloa kit e taimi mua (luni kia lulai)

Ikuga: Ko oti ne faipatigina

Fesili

1. E isi se galuega a te Ulu Ofisa kai fai mo tulaga o te fakalavelave ki te vaa ote tavini tokotasi ko

Fuiono. Peifaga mote 'Malu i te Fenua ko Nukufetau?

Ikuga: Ne fakaasi aka ne te tofi o Nui me ko oti ne faipatigina.

2. Sea nei te tulaga ko oko ki ei te galuega a te tavini ko Salanoa?

Ikuga: Tali ne te FA me e tenei e iloa e fanofano lei a te galuega a te tavini tenei ko Salanoa Tinilau.

3. E mata e isi se saolotoga o se Ekalesia o se tautali ki se vaega o te Palani tenei ka fakatalia nei io me ka fakagalue nei?

Ikuga: Ne fakaasi aka ne te FA me i te Vaka Fakatauala e faka tautai ki ei a te galuega a te Ulu Ofisa kae seai ko ekalesia takitasi.

4. Fakamolemole ki te Ulu Ofisa a tatou me mata toe fia nei te over draft ate EKT ite NBT?

Ikuga: Ne fakaasi aka ne te tofi o Nui me ko oti ne faipatigina.

Mataupu Lofegai

1. Ko te malo ke kaufakatasi mote Ekalesia Kelisiano o Tuvalu o toe aofaga ke tau o amanaia ne tino o fakamalu te Asotapu

- E pela mo te kava ko fai mo fiafiaga o tino tela ko seai loa se loto o ava kae fakamalu te asotapu. Ese gata iei ko te galue o vaka i asotapu, tela la kote malo ke kau fakatasi mote EKT o fai ne fakanofoga lei ko tino ke saga o faka'malu ate Asotapu.

Ikuga: Ne talia ne te FL a te mataupu tenei.

2. Ko avaka ne te motou Ekalesia ko te faifeau ke mafai o fano o galue i tena fenua tonu, ona la ko mea konei ko tupu ite vaitau tenei.

Ikuga: Ne fakaasi aka ne te Tiakono matua me ko oti ne faipatigina.

3. Ko avaka foki mai konei, ke toe onoono aka fakalei ki taimi e tau o fai iei a fonolasi konei, ke tau loa o tautali kit e fakavae.

Ikuga: Ne fakaasi aka ne te Tiakono Matua me ko oti ne faipatigina.

4. Ko fakatagi atu mai konei ke tau o fakatele mataupu kise ikuga lei kae se tulituli a ikuga fono.

Ikuga: Ne talia ne te FL a te mataupu tenei

5. Ko avaka te motou fakatagi ki lua Malu ko te motou fanau tenei ko Tepahalakai. Sila ke fakatu tena igoa ite list o fanau kola ko fauu.

Ikuga: Ne talia a te mataupu tenei ne te FL.

Mataupu Nukufetau

1. Sea nei te tulaga ko nofo iei ate kope tenei ote EKT i NZ ko te lelusalema Fou tela e nofo tena togi kite NZ\$850.00?

- E fia te aofaki tupe ne togitogi ne te ekalesia a sa Suamalie?
- Kae fia foki te toega tela ka togitogi nete EKT?

Ikuga: Ko oti ne faipatigina

2. Sea nei te tala io me ko te fakapatonuga ote lipoti e uiga mo fale ite (31 Ratu Sukuna rd, Nasese). Ite fonotaga i Nanumaga e fai mai te lipoti i fale konei e lua e togigina nete EKT, kae seai ne tupe e maua iei, E isi se fakamoemoega ke fuli flats, ke mafai o togi ki tua ke nofo iei a tino masaki.

Fesili – Kai fakataunu la te fakamoemoega tenei?

Ikuga: Ne fakaasi aka ne te Tiakono Matua me ko oti ne faipatigina

3. Ko fakataga tupe ate EKT ke avake loa ite fonolasi

- Ko te mea ke lloilo kae pasia nete fonolasi
- Ke maina kae ke malamalama a tino katoa ote EKT

Ikuga: Ne fakaasi aka ne te Tiakono Matua me ko oti ne faipatigina

4. Ko taimi o fonolasi ate EKT ke fai loa i taimi tonu loa kola e tau o fai iei, kae ke se toe tuku ki manakoga o fenua.

Ikuga:Ne fakaasi aka ne te Tiakono Matua me ko oti ne faipatigina

5. Ko taimi fea e maua ei ne ekalesia a ikuga fono ate fonolasi?
- Kaia se mafai iei o maua a ikuga fono ite taimi e oti iei ate fono, ke foki a usufono mo ikuga fono ki olotou ekalesia?

Ikuga:Ne fakaasi aka ne te Tiakono Matua me ko oti ne faipatigina

6. Sea nei te tulaga ote kaitalafu ate EKT?
- E toe fia nei koi toe? lo me ko palele?

Ikuga:Ne fakaasi aka ne te Tiakono Matua me ko oti ne faipatigina

7. Sea nei te tonuga kite fakavae fou ote ekalesia tela ne galue kiei te komiti Iloilo ate fakavae, tela ne sautalagina nete fonolasi faopopo ite tausaga kote 2009. Kae ne toe avake ite fonolasi Nanumaga kote mea ke fakamaonigina nete lua vae tolu o usufono?

8. Ikuga:Ne fakaasi aka ne te Tiakono Matua me ko oti ne faipatigina

9. Sea nei te tulaga o tusi tapu tauloto kola e tuku nei ite Ulu Ofisa? E mata kose mafai o aumai ki Ekalesia i tua o Funafuti kae ke togi kise togi mama? lo me tufa ki kaiga ke mafai o maua nese kaiga (1-2) Tusi Tapu?

Ikuga:Ne fakaasi aka ne te Tiakono Matua me ko oti ne faipatigina

Mataupu o Fakaifou

1. Te Fonolasi ke talia ake te fanau ko Kaimoko Lifuka ki sena avanoaga i te EKT.

Ikuga:Talia a te mataupu

2. Te Fonolasi ke onono ake ki Faifeau ko Telala. Noa mo Manuka Maitoga me se tau o faifeau i la fenua tonu. Fakavae i te Vaega 4: maga 32(8)

Ikuga:Ne iku i te FL ke taofi a te mataupu tenei me ko oti ne faipatigina.

3. Te Fonolasi ke fakamaonia te EKT e isi sona malosia o fakaseai se togi Faifeau o se Faifeau Fauu, e auala i tena Fonolasi.

Ikuga:Ne taofi a te mataupu tenei ne te takitaki fono me e taia i te Fakavae.

4. Te Fonolasi ke talia ne ia a avaga o Faifeau galue ke fai mo Usufono fakalogologo tumau i Fonolasi katoa.
Ikuga:Ne talia ne te FL a te mataupu tenei.
 5. Te Fonolasi ke talia ne ia ko ikugafono a te Komiti Teuteu i ana fono masani ke fakailoa ki Ekalesia mo Kaulotu
Ikuga:Talia a te mataupu tenei ko ikuga, kae seai ko miniti ke fakaoko atu ki ekalesia mo kaulotu.
 6. Ko te Fonolasi tenei ke fakamaonia ake a te Komiti Teuteu fou tenei. Me e seki fakamaonia i te Fonolasi i Nanumaga 2010
Ikuga:Ko oti ne faipatigina
 7. Ko te Fonolasi ke fakamaonia ake a fakanofonofoga kola ne tapale mai ite Fakavae a te EKT
Ikuga:Ne fakaasi aka ne te Tiakono Matua me i te mataupu tenei e faipati ki ammendents kola ne talia i te 21 FL ke fakatalia a te fauluga ki loto i te Fakavae. Ne fakaasi aka ne ia me ko oti ne fakamaliegina a te manakoga tenei.
 8. Ko te Fonolasi ke sukesuke fakalei ate tulaga ote Faifeau ko Fuiono. Pita
Ikuga:Ne seki lagolago ne te FL a te mataupu tenei.
 9. Ke fuli te Fakavae kese fili ne te Komiti Teuteu a te Faifeau o se Ekalesia kae ke fili loa ne te Ekalesia/Kaulotu
Ikuga:Ne seki maua a te 2 vae tolu, tela la ne seki talia a te mataupu ne te FL
 10. Ko fanau ko iku i Akoga Faka-Faifeau ke lloilo fakalei ne te Ekalesia/Kaulotu mo te Faifeau tela e lotu i ei ke fakagalue.
Ikuga:Ne lagolagogina ne te FL a te mataupu tenei.
- Ne malolo a te FL mo te Aso tenei i te 5:55, kae ne kalaga fakaaloalo atu te takitaki fono ki te suuga i te 'tofi o Vaitupu, Faifeau Sioraoi ke fakaoti ne ia a te aso ki te talosaga.***

Fakamauga o Faipatiga i te Ono o aso po 12 Tesema, o te 22 FL a te EKT

i Nanumea 2 – 16 Tesema 2012

Lotu taeao mo te sukesukega o te Tusi Tapu – 0800 - 0900 taeao

Ne takitaki ne te Faifeau Teleke Peleti.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamaumauga o mataupu ne faipatigina i te aso Lua po 11 Tesema. Ne fakapasia a fakamaumauga katoa.

I te otiga o te fakapasiaga o fakamaumauga o miniti, ne fakasaga atu i ei a te FL ki te faka'sokoga o mataupu mo fakafesiliga mai i Ekalesia mo Kaulotu.

Mataupu Kavatoetoe

Ulu Ofisa :

Ke kilokilo kae onono aka kise koga laukele mo fakatuu te Faletapu Kavatoetoe. Kae manakogina ke galue tasi ate Ulu Ofisa mote Kaulotu kite feitu tenei, ona la me ite manakoga io latou tela ne fakasae aka ite fonolasi i Nanumaga

Ikuga: Ne taofi ne te Tofi o Kavatoetoe a te mataupu tenei.

Fale o tofi:

Ki te Ulu Ofisa ke kilokilo aka foki ki se fale mo te Faifeau Kavatoetoe ona ko te se tele lei a polokalame fai i loto i te galuega me seai la se koga nofo mo ia, ke mafai o fakafaigofie io me fakataunu a galuega a ia, e mafai fua o manafai e isi sena fale rent.

Ikuga: Ne talia ne te FL a te mataupu tenei i te agaaga o te mataupu me e manako ki te subsidy.

Mataupu Vaiaku

1. Atiakega o te Ekalesia Kelisiano i Vaiaku

Ko te Ekalesia Kelisiano Tuvalu ke taumafai o 'sala aka ne ia ne auala e mafai i ei o maua ne tupe mo fakataunu a fakamoemoega i tulaga tau te atiakega i te Ekalesia i Vaiaku i tulaga konei:

- i) Fakaosoosoga ote laukele ki tai i te namo ke mafai o fakatuu iei ate Faletapu fou ote Ekalesia e aofia i ei se vaisameni mai i lalo ote fola o te Faletapu.
- ii) Ne pooti faika e lua mo masini e lua foki mo pooti konei mo fai se pisinisi faika ma te Ekalesia.

Ko fakamatalaga maea ote mataupu tenei ka avaka i te taimi e faipatigina i ei a te mataupu tenei.

Ikuga: Ne talia ne te FL a te mataupu, ke fakatoka mai a fakatokaga a Vaiaku ko galue i ei a te Ulu Ofisa ke ave a fakatagi konei ki tua o sala sene.

2. Fakagaluega o Faifeau o Ekalesia (Ministers' Posting)

Ko te Ekalesia Kelisiano Tuvalu ke talia ne ia ko ekalesia takitasi ke mafai ne latou o fili eiloa ne latou a olotou faifeau. Kafai la ko talia a te mataupu tenei, ke mafai foki la o fuli a te Fakavae o te Ekalesia ke olo tasi mote ikuga tenei.

Ko fakamatalaga maea mo te mataupu tenei avaka i te taimi e faipatigina i ei a te mataupu tenei.

Ikuga:Ne fakaasi aka ne te suuga i te tofi o Vaiaku me ko ma'lie a usu fono o Vaiaku ki faipatiga kola ko oti ne fai ki te mataupu tenei.

3. Fakagaluega o Fanau a te Ekalesia kola ko iku manuia a olotou akoakoga Faka-Faifeau

Ko te Ekalesia Kelisiano Tuvalu ke toe onoono aka ki fanau ate Ekalesia konei ko oti a olotou akoga faka-faifeau kae konei koi fakatalitali ki ne avanoaga galue mo latou i te fekau mo te galuega a te Atua i loto i te Ekalesia Kelisiano Tuvalu ke mafai o fakaaoga ne te Ekalesia i te vaitaimi tenei.

Ko fakamatalaga maea mot e mataupu tenei ka avaka it e taimi e faipatigina iei a te mataupu tenei.

Ikuga:Ne fakaasi aka ne te suuga i te tofi o Vaiaku me ko ma'lie a usu fono o Vaiaku ki faipatiga kola ko oti ne fai ki te mataupu tenei.

4. Puipuiga mo Tino Galue a te Ekalesia Kelisiano Tuvalu mai ite fakalavelave kote kava.

Ko te Ekalesia Kelisiano Tuvalu ke toe onoono aka o fai se fakanofoga fakalei e puipui iei ana tino galue kae maise i tofiga maluga i loto i Te Ekalesia Kelisiano Tuvalu mai te fakalavelave tau te kava. E aofia i tofiga konei ko faifeau i tofiga kesekese, ofisa sui ki te komiti teuteu mo ofisa ote Ekalesia.

Ko fakamatalaga maea mote mataupu tenei ka avaka ite taimi e faipatigina iei ate mataupu tenei.

Ikuga:Ne talia ne te FL a te mataupu tenei kae ke tuku atu ki te Komiti Teuteu ke fai ne ia a fakanofoga konei e manako ki ei a te mataupu tenei.

5. Te Vasega ate Kakeatu, Vasega Tamaliki Tagata mote Vasega Tamaliki Fafine (Te kakeatu Association, Te Boys Brigade and The Girls brigade)

Kote Ekalesia Kelisiano Tuvalu ke talia vasega konei, Te Kakeatu, Te Boys Brigade mote Girls Brigade ke fakaseai ona eiloa me ko se fetau mo tulaga ote olaga tenei e ola i ei ate Ekalesia.

Ko fakamatalaga maea mo te mataupu tenei ka avaka i taimi e faipatigina iei ate mataupu tenei.

Ikuga:Ne taofi a te mataupu tenei ne te takitaki FL ona e taia i te Fakavae

6. Laukele ite Ulu Ofisa ote Ekalesia(Lands at EKT Head Office)
Kote Ekalesia Kelisiano Tuvalu e auala ite Komiti teuteu ke taumafai aka o fai se fakapatonuga fakalei kite laukele tenei e tuu iei ate Ulu Ofisa ote Ekalesia Kelisiano Tuvalu me oai ate laukele, e o te Ekalesia i funafuti io me ote Ekalesia Kelisiano Tuvalu, kae koi tuai o fai ne atiakega fou io mene mea fakafou i loto ite laukele tenei.

Ko fakamatalaga maea mote mataupu tenei ka avaka ite taimi e faipatigina iei te mataupu tenei.

Ikuga:Ne talia ne te FL a te mataupu tenei ko te Komiti Teuteu ke fakapa'tonu aka ne ia a te tulaga o te laukele tenei e tuu i ei a te Ulu Ofisa.

7. Te Ekalesia mo tena taliatu ki fakalavelave ote Lalolagi(Church and its response to Global Issues)

Kote Ekalesia Kelisiano Tuvalu ke fakamalosi o fai a tena tiute ki ana tino o tali atu ki mataupu taaua kola e pokotia i ei a fenua mo tino ote lalolagi ki olaga o tino, mea ola katoa, te natula mote enivailomene.

E tau mote Ekalesia Kelisiano Tuvalu o fai sena fakamatalaga ki ei mo sena kiloga ki ei ite tulaga ote mataupu silisili kae maise ke ofo mai ne ia ne fautuaga mo ne fakatokaga kola ka mafai iei ne tino ote Ekalesia, tino ote atufenua o fakaagai a fakalavelave konei.

Konei a mataupu e tau fakatulaga muamua:

- i) Te fakalavelave kite maumea ote lalolagi (Global Financial Crisis)
- ii) Fakalalolagiga i mea tau te Maumea (Economic Globalization)
- iii) Te Fanaka ote Vela ite Lalolagi (Global Warming)
- iv) Te Fanaka ote levolo ote tai (Sea-Level Rise)
- v) Mafulifuliga o Tau o Aso(Climate Change)
- vi) Fakalavelave ite se lava o Meakai(Food Crisis)
- vii) Fakalavelave ki mea tau Fiulu(Fuel Crisis)
- viii) Masaki/Manu SELAMETE (HIV/AIDS Endemic)

Ko fakamatalaga maea mote mataupu tenei ka avaka ite taimi e faipatigina iei ate mataupu tenei.

Ikuga:Ne talia ne te FL a te mataupu tenei ne te FL

8. Te Ekalesia mo Tena Talitau ki Fkalvelave i loto ite Atufenua (The Church and its Response to National Issues)

Ko te Ekalesia Kelisiano Tuvalu ke fai sena sukesukega maloski ki fakalavelave i loto i te atufenua kae ke mafai ne ia o taliatu ki ei kae ke fai foki ne fakatokaga kola ka mafai i ei ne tino o te Ekalesia io me ko tino o te atufenua o fakafeagai.

Konei a fakalavelave ote atufenua ke onoono tatou kiei:

- i) Ko faifaiga se tonu i te fai o mea faka-kaiga, fakafenua, faka-takaga (Corruption and Nepotism)
- ii) Ko te se lava o galuega (Unemployment)
- iii) Ko te seai o ne galuega e maua i ei a tupe ma tino kae maise i fenua i tua ote laumua (Unemployment and lack of economic activities on outer islands)
- iv) Te tafaoga ko te pigiko (Bingo)
- v) Te kava mote pusi (Drinking and Smoking)
- vi) Te liulotu o tino kinisi talitonuga (Conversion to other New Religious Faiths/movements)
- vii) Te solo mai o tino o nofo i te laumua (Urban Drift)

Ko fakamatalaga maea mo te mataupu tenei ka avaka i te taimi e faipatigina i ei a te mataupu tenei.

Ikuga: Ne talia ne te FL a te mataupu tenei me e ulu katoa a mea konei i te Vaka Fakatauala.

9. Te Ekalesia mo Mea tau Politiki (The Church and political issues)

Kote Ekalesia Kelisiano Tuvalu ke fakamalosi o fai a tena tiute ki te maaloo i tulaga o mataupu kola e manakogina i ei ke fautua ne te Ekalesia a te maaloo i tulaga o mataupu konei:

- i) Tausaga litaea o tino galue i te maaloo ke siki aka ki luga mai i te 55 tausaga ki te 65 tausaga i fakanofoga konei:
 - a) Te tino galue koi manako a ia o galue
 - e) Te tino galue koi katoatoa a tona maloski i te foitino, te mafaufau mo te agaga

Ko fakamatalaga maea mo te mataupu tenei ka avaka i te taimi e faipatigina i ei a te mataupu tenei.

- ii) Ko tausaga o te matua o te tino ke maua ne ia a te tupe tausaga a te maaloo ke tuku ifo ki lalo mai i te 75 tausaga ki lalo i te 65 tausaga

Ko fakamatalaga maea mo te mataupu tenei ka vaka i te taimi e faipatigina i ei a te mataupu tenei.

- iii) Ko te Maloo o Tuvalu ke lloilo fakalei ne ia a avanoaga mo tino Tuvalu ke mafai o galue i nisi fenua i tua atu o Tuvalu i se faiga sikimi galue ko fakanofonofoga mo tino galue i ei ke se atagaina i ei se ata o galuega faka-pologa.

Ko fakamatalaga maea mo te mataupu tenei ka avaka i te taimi e faipatigina i ei a te mataupu tenei.

- iv) Ko te fakanofonofoga a te Maaloo mo nisi fenua i tua atu o Tuvalu ke toe onoono fakalei ki ei a te Maaloo mo ke mo a e sai taugasoia tatou mo fenua io me ko maaloo kola e se lei a olotou vaa galue mo te Fakapotopotogaa a te Maaloo 'Soko kae maise ko fenua i koga lalolagi i kogaloto sasae (Middle East) kola e takua me ne Fenua Moselimi mo Fenua Komenisi.

Ko fakamatalaga maea mo te mataupu tenei ka avaka i te taimi e faipatigina i ei a te mataupu tenei.

- v) Ko te Maaloo o Tuvalu ke fai sena fakatokaga mo se fesoasoani ki te fakapotopotoga a Fusi o Tuvalu ko te mea ke mafai o toe fakagalue ate Matua o Fusi i se taimi fakavave mai i mua nei.

Ko fakamatalaga maea mote mataupu tenei ka avaka i te taimi e faipatigina i ei ate mataupu tenei.

- vi) Ko te Maaloo o Tuvalu ke avatu ne ia a te saolotoga mo te tusitusigina o tala i Tuvalu nei kae maise ko te Matagaluega Fakasalalau Tala ke maua ne latou a te saolotoga o tusi kae fakasalalaua a tala i loto i Tuvalu nei.

Ko fakamatalaga maea mote mataupu tenei ka avaka ite taimi e faipatigina iei ate mataupu tenei.

Ikuga: Ne seki lagolagogina a te mataupu tenei ne te FL.

10. Lipoti ki te fonolasi ke sautalagina fakalei

Ko lipoti ki te Fonolasi ke mafai o lava a te taimi e sautalagina fakalei ne sui ki te Fonolasi kae koi tuai o taliagina a manakoga mo fakamoemoega i loto i lipoti kona.

Konei a lipoti kola e manakogina ke faipatigina mai lalo ote mataupu tenei:

1. Lipoti a Pelesitene
2. Lipoti a te Failautusi Aoao
3. Lipoti a Failautusi Tupe
4. Lipoti a Matagaluega a Misiona
5. Lipoti ate Akoga Lasaga Lua a te Fetuvalu
6. Lipoti o te Galuega faka-Faifeau o te Akoga Lasaga Lua o Fetuvalu
7. Lipoti ote Galuega Faka-Faifeau i te Akoga Lasaga Lua o Motufoua
8. Lipoti ote Galuega Faka-Faifeau ki Tamaliki Akoga i Fiiti

9. Lipoti a Komiti Galue kola ne fakasopo ne te Fonolasi
10. Lipoti o te Galuega Faka-Faifeau i Ekalesia mo Kaulotu
11. Lipoti a Pulega

Ko fakamatalaga maea mote mataupu tenei ka avaka ite taimi e faipatigina iei a te mataupu tenei.

Ikuga: E seki lagolagogina a te mataupu tenei ne te FL

Mataupu RCCT in Auckland NZ

1. Ki te malu o te Fonolasi, e toe fia avaka fua te mataupu tenei, e pela loa mo ikuga Fono o te Fonolasi, tela ne fai i Nukufetau e tusa e iloa mote fakamoemoega ke fai se faiga ki te fakaogaaga o te igoa EKT tenei e 'registered' ki ei te Kaulotu tela ne tausigina ne te Tamana Faifeau, Elisala. Selu.
E pela loa mo te iloa fakatasi ne tatou me i te kaulotu tenei e se kau atu ki Tuvalu, kae fakaoga ne latou te igoa EKT. Te malu o te Fonolasi, i te iloaatuga nei e pela loa me seki ai ne galuega kai matea atu nei ke fai e fakataunu ei a ikuga fono o te Fonolasi, fakamolemole te malu o te Fonolasi ko onoono aka la koulua kiei.
Ikuga: Ne talia te mataupu tenei ke fai se fesokotakiga 'lei i te agaaga o te ga'lue fakatasi ki taina konei ke tuku mai aka la a te kope tenei o te EKT.
2. Ki te Malu o te Fonolasi, e fia avaka ate mataupu tenei ona la i te kilo atu i te se moe tonu o tatou i ikuga kola kooti ne fakamau ki lalo i te fakavae ke tautali fakatasi ki ei a Ekalesia takitasi i luga i Tuvalu mo NZ nei, ia pela foki ki sose Ekalesia me se Kaulotu kola mai lalo o te EKT, a te mataupu e fakaautu ki te seki fakamafuliga o te Faifeau o Ueligitone, te Malu o te Fonolasi, i te iloa fakatasi ne tatou me isi ne tulaga penei ne tupu i se fakatagi a se Ekalesia i pogai taua, kae ne seki taliagina, i te ava mote fakaloalo ki te malu o te Fonolasi, ke toe onoono aka koulua ki ei fakamolemole ko te mea ke olo tonu e iloa tatou i te manakoga o te Fakavae tela ne uke a mafaufauga mo itula ne fakamaumau ki ei.
Ikuga: Taofi mai loa ne te tofi o te Kaulotu tenei ona me e taia i te Fakavae
3. Ki te Malu o te Fonolasi, se mafaufauga ne malele aka i fanau a koulua i NZ nei, ona i te kilokilo atu ki lasaga fano ki mua o te tala lei ia Keliso, ne ala ei ke fai se fakatagi atu ki te malu o te Fonolasi, ke maua se taliaga e mafai ei o fai ne fakatokaga gali kae lei, ki nisi fanau a Tuvalu kola e tapuaki i nisi Faletapuaki ko te mea ke mafai o galue fakatasi tatou, te autu o te mataupu ko fanau kola ne tausigina ne te Tamana Faifeau ko Elisala. Selu
Ikuga: Taofi mai loa ne te tofi o te Kaulotu tenei ona me e taia i te Fakavae
4. Ki te malu o te Fonolasi, i te ava mo te fakaloalo ne fia avaka ei a te mataupu tenei ona ko te kiloga ki te fia fai mea lei mo te galuega a te Atua, te fakatuuga o te manatu e se laoglagogina te fakatokaga tela ne fakatoka, ke fauulu a taulaga a matou ki loto i te

akauni a te EKT I NZ nei. Ko te pogai ona me isi ne tulaga o te maumea kola e se maua ne nisi fau a te EKT I NZ nei kola e loto foaki mote galuega a te Atua. Te malu o te fonolasi, a ko matou e loto malie loa ke avatu tonu loa a motou taulaga ki kona i Tuvalu. Ko te manatu maluga la, ko te mea kooti ne ave ma te Atua ke ave katoa loa i te loto fakatuanaki, me e aia loa te fakasoaga i te tufaga o te manuia.

Ikuga: Ne lagolagoga ne te FL a te lagona o te mataupu tenei.

5. Ki te malu o te fono lasi, kaati e maina fakatasi tatou i te taua o te mataupu tenei, tela ko fia fagufagu io me fia fakamalosi i ei te tulaga loa ki mea tau TALA SENE a te Ekalesia. Te manatu maluga o te avakaga o te mataupu i te ava mote fakaloalo ki te malu o te Fono Lasi ke a la ma fakamaumau mai a tala kona I tausaga takitasi. Ia e se gata fua I tala kona, kae ke oko foki loa ki tala kola e tau o fakailoa ke iloagina ne fanau a te EKT.

Ikuga: Ne taofi ne te 'tofi o te kaulotu tenei me ko oti ne faipatigina

6. Te malu o te fonolasi, e toe fia fakalalala atu se mataupu penei me ona i te kilo alofa atu foki ki te tulaga o te maumea o te EKT te mataupu e fatu tonu loa ki te faiga mo taimi e fai i ei a fonotaga a te komiti teuteu.

Ikuga: Ne taofi ne te 'tofi o te kaulotu tenei me ko oti ne faipatigina

7. Te malu o te fonolasi, mea nei se manatu fakatu ake e fakailoa ei a te tulaga o te motou Ekalesia manafai e isi se mataupu e avakagina e uiga ki te tutokotasi a te Pulega o NZ fua. Ia a te tulaga la ote motou Ekalesia, e lago eiloa ne matou a te ikuga tela ke isi se pulega ki tua atu o tuvalu, kae se lago ke fai fua se pulega a NZ.

Ikuga: Ne taofi ne te 'tofi o te kaulotu tenei me se mataupu loa e tau ki te pulega a latou

POGAI.

1. Kaati e lei atu ma tasi nofo a kaulotu mo Ekalesia o ati aka loa a latou ki ne tulaga kola ka kilokilo atu ko tokaaga malie, iloo te fai fakavave mai se pulega faitokotasi a NZ.
2. Ke tasi loa a te fakavae e fakateletele ki ei a fakapotopotoga mo Ekalesia, kaulotu kola mai lalo o te fakavae EKT. Kafai kote *CONTEXT* O NZ e kese mo Tuvalu, kaia la e se fai iei ne faknofonofoga mo Ekalesia mo kaulotu I NZ ne NZ, ko fakapiki ei kite fakavae ote EKT.
3. A NZ se tasi o lima malosi o Tuvalu mo aso mai mua.

Fakafetai lasi mote onosai mai tusa ei ko mataupu fakaasi, mote manatu maluga ke fakaogagina a manatu mo mafaufauga kola kooti ne fakalagi atu. Malu ote fonolasi pela la foki te komiti teuteu, fakamolemole ko avaka la nei ikuga ki motou mataupu, fakafetai lasi.

MATAUPU VAITUPU MALIE TASI RCCTNZ**FAKATOMUAGA**

Kite malu ote fonolasi ote EKT ko avaka te mataupu tenei mai Malietasi Reformed Christian Church of Tuvalu in Auckland ke mafai o fai se fakamafuliga kite Fakavae ote EKT tala e faipati ki sui kite fono lasi ate Ekt I taki lua tausaga, kote mea ke mafai ei o fakagalua a mafaufauga mo fautuaga ite kiloga fou mai Niusila nei ona e iloa ko te kesekeke o koga e nofo ei a fanau mote tulaga ote maumea mote oloolo malaga tela e lasi te pokotia ei o matou I Niusila nei e se taumate e pena foki latou kola e malaga mao mai fafo kite Fono lasi

FAKAMATALAGA

Fakafetai ki fakatokaga I loto ite fakavae ote EKT tela ne aofaga fakapitoa e iloa mote olaola lelei ote EKT I ekalesia konei I loto I Tuvalu. *Nei ko* siki a tapula ote EKT ko ola I fenua mao kae ko kese foki a tulaga o fakanofoga kae maise a manakoga ote galuega mote misiona ko te mea ke fetau tonu mo manakoga o fanau I so se koga e nofo ei latou.

I tulaga tenei e manakogina malosiloa ne te Ekalesia a matou Malietasi RCCTA ke nofo e iloa a matou mai lalo ite fakamalu ote EKT e penei mo te vaitaimi tenei, kae isi ne nisi o mea ite kiloga a matou ko tau ke fai se fakamafuliga ki ei ko te mea ke mafai o galua lei kae tele ki mua te misiona ate Ekt e auala ite RCCTNZ mo Ekalesia e nofo I lalo ikonei.

Ko manakogina foki ke siki ki luga ate tulaga ote RCCTNZ I tulaga ona fonotaga o tena malosiloa tela ke talia mai kae ke tuku mai ne te Fono Lasi ate EKT ko te mea ke mafai ei o iloa kkae ke mafai foki ne ei ofai ana galuega I lalo ise Misiona tela e pulepulegina foki ne se Fono Lasi e iloa penei mote EKT kae ke fakatumau tena Ulu Ofisa I NZ e pela mo tulaga o Ielusalama fou I lalo I fakamoemoega ote kafagao Strategic Plan.

Galuega I konei NZ nei. Ko tena uiga ka lasi foki te tupe e sefe ite togiga o pasese o usufono tela se fuainumela e lasi kae togi mafa kae se maumea tela ne fakatupu ne te Ekalesia mo fatuaki iei a mataupu kona e manuia iei a Ekalesia Niusila nei. Moi fai a te Fonolasi e fakapitoa e iloa mo Niusila kae fai foki ikonei o aofaga mote manuia mote lei o te misiona iluga I Niusila nei kaati e lasi te sefe o tatou ite feitu tau te maumea tela e mafai o fakaoga ki nisi atikega ote misiona iloto I Ekalesia ote Pulega I Niusila nei.

Mataupu - fakamafuliga ote Fakavae ote EKT

1. Fakafetai kite alofa ote Atua mote avanoaga tenei, ko fakamolemole atu mote avalasi kite malu ote takitaki fono, te komiti teuteu mo usufono kite fonolasi ate EKT 2012 ite ava mote fakaaloalo ko avaka ne toku usufono te mataupu ate ekalesia Malietasi RCCTNZ ke mafai o talia aka te fakamafuliga tenei kite maga ote fakavae tela e faipati ki tulaga konei ko te mea ke mafai iei o fakagalua a manakoga ote mataupu tenei

- a. Ko te pulega I NZ ke mavae mai ite pulega mai Fiji kae tumau eiloa o kau I lalo ite fakamalu ote EKT ko tena uiga ko nisi ekalesia kola I tua atu I Tuvalu I tafa aka o NZ ke nofo ite pulega I Fiji, tela e aofia iei ekalesia katoa I Fiji, Hawaii, Masela mo Nauru. Kafai ko toe fakamalosi a ekalesia I Australia I aso mai mua nei ko toe fai se kiloga kiei ko te agaga tonu eiloa ote mataupu tenei ko tulaga o atiakega ote misiona te faigofie aua ko silia atu ite 3000 o fanau o Tuvalu ko nofo nei I Nz I te vaitaimi tenei
 - b. Ke mafai o avaka te tulaga ote Fonolasi ate pulega I NZ kise tulaga e pela mote fonolasi ate EKT kae ke mafai o fai I NZ nei I taki lua tausaga e pae eiloa mo te tulaga ote fonolasi kae mafai o fai I taki lua tausaga
 - c. Ke tumau eiloa latou mai lalo ite fakamalu ote EKT kae ke mafai o tuku mai te malosi nete EKT ke mafai o fai ana atiakega mo ana pulepulega mo tena misiona ne ekalesia eiloa ote EKT I luga I NZ nei. ona la kote toggi mafa kaati e silia atu te 50,000 e fakamaumau fua kite togiga o pasese o ekalesia e 8 konei I Nz nei o olo atu ite Fonolasi I Tuvalu. Ite fakatauga kaati e aoga atu mafai e fakaoga ki atiakega mo te fai o fonotaga I Nz nei eiloa mote manuia o ekalesia iluga I Nz nei e pela eiloa mote fakatokaga I te KAFAGA strategic plan tela ko oti ne talia nete Komiti Teuteu ke fakagalua
 - d. Nisi mea taua ka mafai o tupu I te fakamoemoega tenei mafai ko fakamanuia nete fonolasi ate tulaga o fautuaga konei. Konei la nisi mea taua kola e manakogina ke fakatoka kae ke mafai o avaka ise fonolasi mai mua nei mose taliaga
 - e.
 - i. O fili tena Takitaki fono io me se Moderator mo tena komiti teuteu mo ana ofisa pela mote fakatokaga I guideline ote pulega tenei
 - ii. fakatumau tena ofisa i lelusalema fou mote fakagaluega o ana polokalame mo misiona
 - iii. O galue kise fakavae (Constitution) mo fakanofoga (Policies and Protocols) tela ka fetau tonu loa mote context o Nz kae tumau eiloa tena talitonuga e pela mote EKT tela se Congregational Reformed Christian e affiliate kite CWM, WCC, WARC, PCC mo nisi sokotakiga o te EKT
 - iv. Ko fakanofoga katoa o ekalesia ote EKT I NZ tela e igoa nei kite Reformed Christian Church of Tuvalu I NZ ke tuku atu eiloa a ona pulepulega mo ana fakatelega ke fai ne latou.
2. Malu ote takitaki fono e pela foki te Komiti Teuteu mo sui malu katoa kite Fonolasi ote EKT. Ite ava ite fakaloalo ko avaka foki neau te Mataupu tenei mo se fakamafuliga ite fakavae ite maga tela e tuu tonu ki luga ite mataupu tenei. Fakamolemole ke mafai o fai se fakamafuliga kite fakavae kote mea mafai fua o fai a sui malu konei o sui iei te pulega I fonolasi ote EKT konei e fai I taki lua tausaga mo sui o ekalesia I lalo ite RCCT:
 - a. Ko sui on pulega ke sui ne te moderator mote failautusi io meko te tiakono matua I fonolasi I takilua tausaga kae ke mafai fua o fai ke pela mo tino kami kae fakalogologo
 - b. E pena foki a sui ote EKT kite fono ate CCCTNZ I takilua tausaga ke mafai eiloa o aumai ate Pelesitene io me kote Failautusi kae pela foki me ne observers io mene guest of honors

- c. Ko sose tino tela e fiaoko atu kite fonotaga lasi ke maua e iloa sena saolotoga e pela mote fakavae tenei kae ke mafai fua o oko atu ite takifaa tausaga tela e fai iei te fakamafuliga o faifeau.

Ikuga: Ne taofi katoa a mataupu konei e lua ke taofi

Mataupu a te Ekalesia Kelisiano Kaufakatasi Tuvalu (EKKT).

1. Ko te manakoga o fanau konei it e Ekalesia Kelisiano kaufakatasi Tuvalu NZ(EKKT) ke mafai o isi se saolotoga mo se taliaga mai te Fonolasi 2012, ke se nofo te (EKKT) mai lalo i te pulega ki tua o Tuvalu (The EKT overseas Mission) tenei e ulu mai ki NZ nei (Pogai) refer ki te Tusi kite Komiti Teuteu 2011.

*Ne fakamaina aka ne te 'tofi o te EKKT me i te manakoga o te mataupu tenei, e manako ki se fakatokaga o te fakateletelega o te Pulega kae maise e iloa a feitu kola ne avaka ne te lotou kaulotu i tena tusi ki te Komiti Teuteu.
Ne lasi kii e iloa a te sautalaga ki te mataupu tenei.*

Ikuga: Ne iku i te FL ke toe tuku atu a se avanoaga ki te 'malu o te Pulega ki tua ke ga'lue fakatasi aka mo te Ulu Ofisa o fakatoka aka a kesekesega konei ne lagona i sautalaga o te mataupu tenei, ko toe foki mai i ei ki te FL

2. Ko Faifeau kola ko oti olotou taumafaiga mo te manuia mai akoakoga faka Faifeau. Ke mafai o fauu kae ke avatu ki Ekalesia i fenua o Tuvalu, e penei foki mo te Laumua ke mafai o fesoasoani ki Faifeau tausi o Ekalesia.

Ikuga: Ko oti ne faipatigina

3. Ko taimi e fai i ei te Fono ke tai fakafoliki ifo, kae ke mafai o isi ne taimi e fakaaoga mo fai a Bible Studies.

Ikuga: Ko oti ne faipatigina

4. Fesili? E mata e tonu te molimau me lasi atu a allowance a Faifeau Malaga tua atu o Tuvalu ote EKT, i lo allowance o tino galue i te malo. Kafai e tonu e fakamolemole atu mai konei mote ava lasi, me mafai ke toe lloilo(review) aka ne te Fonolasi a te tulaga tenei, ona e iloa ko te tulaga e tuu iei te EKT i tena maumea.

Ikuga: Ko oti ne faipatigina

5. Ko te mataupu ki te tala tupe ote EKT ke fai muamua i te Fonolasi, manafai e oti te faitauga o te Lipoti a te Failautusi Aoao, kafai ko oti ko fakasolo ma i ei nisi o mataupu (B) Fesili – e mata nei kai fai se Audit Report ki tala tupe o te EKT, sea foki nei te tulaga ote malos o te maumea o te EKT.

- b) Fesili. E mata e mafai ke maua mai se lipoti ki te ala tupe mai account o te EKT i NZ, pela foki mote Lauolive i Suva.

Ikuga: Ko oti ne faipatigina

6. Tusi Paia – Fakamolemole e mafai ke maua mai se taliaga i te Fonolasi ne Tusi Paia ma te Ekalesia a matou (EKT) i Tusi Tapu kola koi toe nei (i te container tela e tu i te Ofisa lasi)

Ikuga: Ko oti ne faipatigina

7. Fakamolemole e mafai ke toe lomi mai aka te Tusi Tapu mua a tatou i te gana Tuvalu.

Ikuga: Ko oti ne faipatigina

8. Fakamolemole ki te Fonolasi me mafai ke fai a Fonotaga konei koi toe a te EKT(fonolasi) i Funafuti.

Pogai: a) Ona ko te kilo atu ki te fakafaigofie o te malaga o sui (kae maise eiloa ki sui mai tua atu o Tuvalu)

Ikuga: Ko oti ne faipatigina

Ne avaka a te mataupu ke 'pono a te FL mo te aso nei, kae ne kalaga fakaaloalo atu a te suuga i te takitaki fono ki te 'tofi o Suva ke pono ne ia a te FL mo te aso nei.

Ne malolo a te FL i te itula e 5.

Fakamauga o Faipatiga i te Fitu o aso po 12 Tesema, o te 22 FL a te EKT

i Nanumea 2 – 16 Tesema 2012

Lotu taeao mo te sukesukega o te Tusi Tapu – 0800 - 0900 taeao

Ne takitaki ne te Faifeau Teleke Peleti.

Mai tua o te lotu mo te sukesukega, ne fakasaga a te Fono Lasi ki te fakataliaga o fakamaumauga o mataupu ne faipatigina i te aso Lua po 11 Tesema. Ne fakapasiasa a fakamaumauga katoa.

I te otiga o te fakapasiaga o fakamaumauga o miniti, ne fakasaga atu i ei a te FL ki te faka'sokoga o mataupu mo fakafesiliga mai i Ekalesia mo Kaulotu.

Mataupu Pulega i Niusila

1. Fakamolemole kite Malu ote Fonolasi a te EKT ke mafai o toe maua se taliaga ke mafai o fakamafuli te maga ote Fakavae tela e faipati ki Pulega ote EKT.
 - a) Ke mafai ko Ekalesia katoa kola e kau kite fakamalu ote EKT i Niusila nei ke fai eilola te Pulega a latou. Ona la ko tulaga o te olaga mo faifaiga ke oko ki avanoaga ote Malo o Niusila telae taua ei ke mafai eilola o fakatumau kise Pulega e tasi.
 - b) Ko Ekalesia aka e pela mo Hawaii, Masela, Nauru mo Fiji ke fai eilola te Pulega a latou ona e tai pau a tulaga o latou kae tai pili foki kote mea ke mafai o nofo i se Pulega e tasi.
Ikuga: Ne taofi a te mataupu tenei ne te Faifeau Toeaina o te Pulega me ko oti ne faipatigina.
2. Fakamolemole kite Fonolasi ke fai aka se fakatokaga fakalei nete Ulu Ofisa ote EKT mote Malo o Tuvalu ki fanau kola e aumai kite Sikimu taufuagalakau i Hawkes Bay me ko isi se EKT i kona tela ke mafai ne latou konei o malamalama i te fakatokaga ate EKT ko latou ke mafai o fakalotu nete Faifeau ko Henele Tekavei tela ne uga atu mote fakamoemoega tenei.
Ikuga: Ne talia a te mataupu tenei ne te FL
3. Fakamolemole ki te Malu ote Fonolasi ke fai aka sena fakatokaga mautinoa ki tulaga o te Ekalesia Tuvalu Kaufakatasi tela se Ekalesia mai lalo o te EKT kae tausi nei ne te Faifeau ko Telematua Ikinofu ona la ko tena tulaga tutokotasi i a ia eilola ke se kau mai ki loto i Ekalesia a te Pulega i Niusila nei ite vaitaimi tenei....
 - a) Se a nei te tulaga o te Ekalesia penei?
 - b) Se a foki te tulaga ote Faifeau manafai e oko ki tulaga tenei?
Ikuga: Ne iku i te FL ke tuku atu a te mataupu tenei ki te Pulega mo te Ulu Ofisa ke fai'pati aka ki ei ko foki mai i ei ki te FL.

Mataupu a te Ekalesia Vaitupu

1. Ko te atafai aka a sui o ekalesia kola e olo atu ki Funafuti ke pela e iloa mo te fai fakalei o tino mai i te Ulu Ofisa e fai fakalei ne fenua mo ekalesia ma olo atu ki fenua.

Ikuga: Ne talia a te mataupu tenei

2. Fakamolemole ki te Ulu Ofisa me e mafai o fakaoko mai aka a tulaga o nisi o mataupu a te Komiti Teuteu kola e tau o iloa ne ekalesia mo Kaulotu mai tua atu o te laumua.

Ikuga: Ne taofi ne te 'tofi o te fenua me ko oti ne faipatigina.

3. Ko fakafesiligina a te tulaga o te tofiga o te Tiakono Matua, me e 'tau o nofo o tausi a te Ekalesia i taimi o te Fono Lasi me e tau o usufono, e fia iloa se fakamainaga i te tulaga tenei fakamolemole?

Ikuga: Ne avaka a te Fakavae Vaega Lua 9(3)(a), tela ne ma'lie loa ki ei a te usufono o te Ekalesia Vaitupu mo te malamalamaaga mee pule a te ekalesia/kaulotu i te vau mo te nofo o te Tiakono Matua i taimi o te Fono Lasi.

4. Fakamolemole ki te Fono Lasi ke talia mai ko te Fono Lasi i te 2016 ke fai i luga i te fenua o tatou ko Vaitupu, kae ko fiafia lasi a te fenua mo tena Ekalesia o 'kami fakaaloalo mai a te fonotaga ke fai i luga i te maa fenua.

Ikuga: Ne talia fiafia ne te FL a te kamiga tenei.

Ne fai a te fesili a te usufono mai i sui usufono mai i te ekalesia Vaitupu me e mata e tonu a te fakaasiga ne lagona me i FL konei koi 'toe ka taki tasi fua a Vaiao?

Ne tali ne te FA me e faigata o fai atu nei i te taimi nei me e tasi fua a te vaiao ka fai i ei a FL i fenua konei koi toe, kae kaati e sili ke tuku e iloa ki te taimi e fakatoka i ei a polokalame o FL kona.

Mataupu a te Ekalesia Niutao

Fesili:

1. Te 'malu o te Fono Lasi, ke fakapa'tonu mai aka a te Fakavae tenei e fakaoga nei ne tatou i te vaitaimi nei?

Ikuga: Ko oti ne taviligina

2. Te 'malu o te Fono Lasi, e fia iloa atu mai konei ate tausaga tonu tela e litaea i ei a te Faifeau?

Ikuga: Ko oti ne taviligina

Mataupu:

1. Ki te 'malu o te Fono Lasi, ko te fakapa'tonuga fua o te taimi o te faiga fonotaga lasi a te tou Ekalesia Kelisiano Tuvalu i te fenua o matou ko Niutao i te tausaga 2014. Te masina

ne filifiligina ne te Ekalesia fakatasi mo te Falekaupule ko te masina o Setema 2014, e fakatautau ki ei ko te mea ke fai i ei a te Fonotaga.

Ikuga: Ne talia kae fakamaonia ne te FL a te mataupu tenei.

Mataupu a Niulakita

1. E pela mo te iloa atu ne te kaulotu o Niulakita, ne seki kau atu ki te fonotaga tena ne fai i Funafuti i te 2011.
 - a. Fakamolemole e manakogina se fakamatalaga mai i a koulua te taipola.
 - b. E mata ne kilo malalo a koulua ki te tulaga o te kaulotu?
 - c. E mata e isi se faipatiga penei “ao, a sui katoa ne oko atu ki te fakatasiga tenei”?
2. Te ‘malu o te Fono Lasi a te 22 Fonotaga i Nanumea nei, e pela mo te logo atu me a te fonotaga, e tuku ke fili a te Pelesitene fou. Te ‘malu o te maluga o te EKT, e a mana fakasopo a te tokolua Pelesitene mo fai a te Pelesitene kae ke sala fu ate sui Pelesitene.
3. Fakamolemole fakamalamalama aka me kai a ne seki fakataunu i ei a te malaga a te Faifeau ki Nauru?
4. Te ‘malu o te Fonotaga, se fia fakafesili me e mata nei ko oti ne fakataunu a ikuga fono mai i te Fono Lasi i Nanumaga?
5. Fakafesili aka ki Faifeau o MSS, me se a tonu te pogai ne olo i ei latou ki MSS me akoako me fakasala tamaliki?
 - (a) E isi se malosi o fakasala tamaliki?
 - (b) E saoloto laua o fai fakasalaga ki luga i tamaliki pela mo te Pule akoga?

Ikuga: Ne fakasi aka ne te ‘tofi o Niulakita me i lotou mataupu ko oti katoa ne faipatigina.

Mataupu a te Kaulotu i Suva

1. **Ko Ekalesia I Fiti ke fai loa sena Pulega ia ia eiloa.**
 - ✓ Ko lasi a te Ekalesia o Suva/Veisari....
 - ✓ Ko te Ekalesia I Kioa: (Ekalesia I Lautoka/Rakiraki/Labasa).....
 - ✓ Cross road o Tuvalu mo tua o Tuvalu (sui ki Fono I Fiti nei/Pasefika) e fakamama ei mea tau tupe a te EKT I ana oloologa Malaga.
 - ✓ Ko mafia o establish se ofisa mo te EKT I Suva...
 - ✓ E tokouke taina e akoga kae galue fesoasoani kit e Ekalesia Suva.

Ikuga: ko oti ne faipatigina

2. E fakatulaga pefea a te Ekalesia; Suva se Ekalesia me se Kau-Lotu?

- ✓ Manakoga ke fakatulaga pela mese Ekalesia kae seai se Kau-Lotu...
- ✓ Ko sui kit e Fonotaga ke pau mo Ekalesia.....
- ✓ Manakoga kola e fai ki ekalesia konei katoa e fai ne ia... (taulaga/ipu aso tamaliki/matua...etc)

Ikuga: Ko ma'lie foki a usufono ke tapale a te mataupu tenei.

3. Se Falesa mo te Ekalesia Suva....

- ✓ Fakataliaga ko Suva ke galue ki te faiga o tena Falesa..(apply ki projects ki tua...)
- ✓ Ke salasala se laukele mo fakatu te Falesa...
- ✓ Ke fai ne salasalaga sene mo faite te Falesa...

Ikuga: Ne talia ne te FL ke ga'lue fakatasi tatou mo te Kaulotu Suva ki tena fale tapu.

4. Registration mo te Ekalesia Kelisiano Tuvalu, I Fiti (Suva)

- ✓ Seki register loa a te EKT I Fiti... me ne galue tasi mai loa mo te Ekalesia Methodist(affiliate)...
- ✓ Ana galuega atiake e operate illegally seki register foki kae ko fia nei tausaga (Lauolive)
- ✓ Ke fai a atiakega e lei ke register te EKT I Fiti...
- ✓ E maua foki ne ia priviledge kola e tuku ki fakapotopotoga penei...

Ikuga:Ne talia ne te FL a te mataupu tenei.

5. Galuega Atiake ma te EKT, 31 Ratu Sukuna Road ke develop

1) 2 lua laumanafa o te EKT I Suva;- 17 Charlton Avenue...

- ✓ Galuega atiake ko te Lauolive- Lauolive Inn- ko ola kae ko pateletele te Ekalesia mo sene ne maua mai I ei.
- ✓ \$580,000 ne maua mai te Lauolive I te fia fua o tausaga ne galue mai ei
- ✓ \$60,000 ne maua mai te Lauolive mo fesoasoani I te faitu tau tupe ote EKT, I ona faigataaga.....

Ikuga: Ne iku i te FL ke tuku a te mataupu tenei ke oti 'lei a te registration ko onoono i ei ki ei a te Ulu Ofisa.

2) **Te 31 Ratu Sukuna Road**

- ✓ A te Ratu Sukuna ne fakaaoga mai loa mo fai te Fale o te Galuega. Ko sefulu tupu tausaga (14) o te kope tenei. Ko tau o se tanu te sene tenei... kae pei ki te page ke isi sena laka e tuku mai ki te EKT....
- ✓ Nei ko ola te manatu ke fakaaoga foki te 31 Ratu Sukuna ke maua mai ei tou sene se taimi faigata penei. E ola te manatu ke develop mo fai self contain apartments...
- ✓ Fai te Ofisa ma te EKT, Suva I Fiti...extension o te Fale Tusi Tuvalu I Suva...
- ✓ Fai se Fale Tusi printer ma te EKT ke print, bind togi foki a Tusi ma tamaliki akoga....

Ikuga:Ne iku i te FL ke tuku a te mataupu tenei ke oti 'lei a te registration ko onono i ei ki ei a te Ulu Ofisa.

6. **Scholarship kola e award ne te EKT ki ana sene totino loa**

- ✓ Kafai e seai i te budget se award te scholarship...
- ✓ E pokotia a fanau i ei (Livingstone/Teloto Eli)

Ikuga:Ne talia ne te FL a te mataupu tenei.

7. **Te Curriculum i mea tau Akoakoga;-**

1) **Te Sunday School Curriculum ke toe fai fakalei ake (review).**

- ✓ Ke fakaopoopo a lesona ke 52 lessons...
- ✓ E fesoasoani ki te fakamafulifuliga ote syllabus i tausaga taki tasi i lo te fakafokifoki o ulutala masani.
- ✓ Ke fetau a lesona mo tausaga o tamaliki/ko to mafa....
- ✓ Se katoa lesona I nisi Vasega tusi (vasega)
- ✓ Ke napa fakalei ake a ulutala.....(Unit/lesson)...

2) **Ke isi foki se curriculum ma te Talavou a te EKT**

- ✓ Mataupu taua o aso nei (problems/challenges)....
- ✓ Mataupu e fiafia ki ei (interest)

3) **Tusi Akoga ma te Ekalesia Saukatoa:-**

- ✓ Talitonuga o te EKT.....
- ✓ Puipui e tou talitonuga
- ✓ Puipui ei te tele o tou mamoe

Ikuga: Te vaega 1 o te mataupu tenei ko oti ne faipatigina, kae ko te 2 mo te 3 ne talia ne te FL

8. EKT ke toe Onoono io me Review te Fakatelega o Ana Fono Lasi

- ✓ Te EKT ke fakaaoga ana tino I te faiga o tonu mo ikuga
- ✓ Fonotaga ke kati kit e 3 aso kit e Vaiaso te leva....
- ✓ Mataupu ke submit mo recommendation ... ke fai ikuga mai ei...
- ✓ Fakateutana a sui kit e Fonotaga (3).....

Ikuga: Ne fakaasi aka ne te Tiakono Matua o Suva me ko oti ne faipatigina.

9. Fakasopo a tou tamaliki kola ko oti olotou akoakoga faka faifeau kit e tofiga faka-Faifeau

- ✓ Tokouke tou tamaliki konei ko leva ne iku olotou akoga... me mafai ke fakaaoga katoa
- ✓ Fakagalua ake te evangelism department a te EKT... ke olo I fale o tou tino... ilp te kilokilo tatou ki talitonuga fou konei o talai....
- ✓ Ke ave o attach ki evangelism colleges kola e offer ei a 'evangelism training'... ke fakaaoga a fanau konei...
- ✓ Ke galua fesoasoani/fakamasani ki Faifeau I olotou fenua (talavou/kaufai pese/asiasiga/Sunday School).....
- ✓ Ke fakatokouke tou Faifeau e fai pepa maluga.. (Education/Mataupu Silisili/History/Lawyer...) ka eke olo o galua faka misionale... (Faiakoga; Faifeau; Chaplain) CWM..

Ikuga: Ne fakaasi aka ne te Tiakono Matua o Suva me ko oti ne faipatigina.

Mataupu a te Kaulotu i Motufoua.

1. Ko togi o fale o Faifeau e tokolua e galua I Motufoua:

E fakamolemole atu kite 'malu ote Fonolasi ke fai aka se fakatokaga mote Malo e auala i te Ulu Ofisa ote EKT, ko fale o Faifeau e tokolua kola e galua i Motufoua ke mafai o se togi ka eke fakapau eiloa pela mo Faifeau tausii Ekalesia katoa kola e se togi a lotou fale. Te manakoga o te mataupu ke fesokotaki ne te Ulu ofisa mote

Minisituli o Akoga kae ke faite se MOU ko te mea ke fakatumau eiloa mo Faifeau katoa kola e solo o galue i Motufoua.

Ikuga: Ne talia ne te FL a te mataupu tenei.

2. Ko avanoaga o galue faka-misionale:

E fakamolemole atu ki te malu o te Takitaki Fono mote Taipola ke mafai o maua aka se fakamatalaga manino kae maea ko te mea ke tasi a te tou malamalama me e pefea nei a te tulaga o avanoaga o fanau a 'tou Ekalesia mo Faifeau o galue faka-misionale maise i tua atu o Tuvalu. Avanoaga konei ko avanoaga kola ne galue i ei a te matua ko Lise Talia i Samoa mote suuga a te 'tou Failautusi Tupe i PNG. E isi foki ne nisi o 'tou fanau kola ko oti ne olo o fai a lotou akoakoga fakamasani i FJ mo avanoaga konei e aofia i ei a te motou Tiakono Matua, e mata la nei sea ate tulaga ko oko kiei a avanoaga kona?

Ikuga: Ne fakaasi aka ne te FA me i avanoaga faka misionale e ma'tala eiloa ki so se tino i i so se trade. Kae ki te galuega faka misionale faka faifeau, e manakogina a te Master level.

3. Kote galuega faka-misionale io me kote galuega talai i loto i 'tou Atufenua:

E fakamolemole atu ki te 'malu o te Fonolasi i ona Ekalesia takitasi mo te 'malu o te Ulu ofisa o te EKT ke toe onoona aka kae aofaga fakalei a te galuega talai i loto loa i 'tou Atufenua. Te kanoloto o te mataupu e fakavae loa mai luga i galuega konei ko oti ne fai i loto i 'tou Atufenua (Empowerment Team) kae ne lavea atu foki loa a te lotou taua mo te aoga ki tamaliki foliki, kautalavou, fafine, kaufaigaluega mo tino katoa I loto ite Ekalesia. A tatou e pela me e fakalagolago fua ki luga ki te galuega tausi Ekalesia (Pastor Ministry) mo te Faifeau Tausi mo tena tusaga kae foliki kii a te galuega talai faka-misionale io me se galuega fakamalosi o te Talitonuga mote Fakatuanakiga. Te manokoga la ote matupu kote EKT I tena Ulu Ofisa ke mafai loa o fai ne ana galuega talai kae fakamalosi ki Ekalesia takitasi I tausaga I takitasi. Ke mafai o fai se fakatokaga tupe mo fai a polokalame penei ka eke fakaoga foki ate tokouke o fanau faifeau kola ko oti ne iku manua a lotou akoakoga mai akoga faka-faifeau.

Ikuga: Ko oti ne tali kae fakamaliegina a te manakoga o te mataupu tenei.

Mataupu mai i te Ekalesia Kioa.

1. Ko te EKT ke mafai o maua sena fesoasoani ki te Falesa o Kioa.

Ikuga: Ko oti ne faipatigina

2. Ko te motou fanau, Pelesia Selu ke mafai o fauu/fakasopo ki te tofiga Faifeau.

- Ke fakagalue ne ia a kaulotu konei i Lautoka mo Rakiraki
- Fanau Kioa ko gasolo o tokouke kae ko salalau i Vanua Levu/Nadi mo Viti Levu.

Ikuga: Ne tapale a te mataupu tenei ne te 'tofi o te fenua.

3. Fakamolemole ki te Fono ke mafai o maua ne matou a lotu 'talo o te tausaga koituai o fai.

Ikuga: Ko oti ne faipatigina

4. Fakamolemole ki te Fono ke maua a te tala tupe i tausaga e pela mo te ikuga Fono.

Ikuga: Ko oti ne faipatigina

Ne malolo a te FL mo te 'kaiga i te tutonu i te 12:30

I te avanoaga tenei, ne mafai i ei o 'kau fakatasi a te 'malu o sui mai i ekalesia mo kaulotu katoa mai i Niusila mo Ofisa o te EKT e pela eiloa mo te manakoga o te FL, o taumafai o fakatoka a te fakalavelave tela ne saesae aka i mataupu a ekalesia mo kaulotu mai Niusila ki te FL tenei.

Ne toe tuu aka a te FL i te 2:30 pm

Ne tuku ne te Takitaki Fono a te avanoaga ki te 'malu o te Sui Pelesitene ki se fakaasiga o te ikuga o fai'patiga kola ne fakafeagai i ei mo sui mai 'malu o ekalesia mo kaulotu katoa i Niusila.

Ne fakaasi aka ne te suuga i te Sui Pelesitene me i te mafutaga tela ne mafuta i ei, i te agaaga o te ga'lue fakatasi i te galuega a te Atua, tela ne fakatau fakatoese i ei a te suuga i te FT o te Pulega ke oko ki te 'malu i te Faifeau Telematua Ikinofu mo tena Tiakono Matua Talatea Boreham, tela ne oko i ei a te fakatokaga i se fakaasiga mai i te 'malu i te Faifeau Telematua mo tena Tiakono Matua me i latou e tumau a te 'kau o latou ki te Pulega.

Ikuga: Ne talia fiafia ne te FL a te fakaasiga tenei e auala i se patiga lima. Ne sui ne te Takitaki Fono a te 22 FL o molimoli a te fakafetai lasi ki Ofisa o te EKT, fakatasi mo te faifeau Telematua mo te Tiakono Matua, kae maise ko te FT

Suamalie Naisali mo te 'malu o Faifeau mo Tiakono ma'tua o ekalesia mo kaulotu katoa i Niusila mo te fakatokaga o te tulaga tenei.

Mataupu a te Kaulotu i Masela.

1. Ko fakamolemole te Kaulotu mai Masela ke kilo mai aka te Ekalesia Aoao mo tulaga ko nofo i ei te motou kaulotu. Ko seai se motou Faifeau kae e mafai ke isi aka se motou faifeau io me sea a te fakanofoga a te Ekalesia Kelisiano kiei. Kafai la e mafai o maua se motou faifeau konei la a mea ne kilo matou kiei.
 - (a) Ona la kote faigata o maua se fale mote faifeau ikonei ko fakatagi atu matou kise faifeau tela e isi sena kaiga ikonei tela e mafai fua o nofo kiei ka fakafaigofie kiei te tausiga.
 - (b) Ko fakamolemole atu foki la iei matou me mafai te EKT o fesoasoani kise allowance mote faifeau tena ona la kote motou Ekalesia i konei e se na ko tokouke kae e mafai matou o fesoasoani ki nisi feitu aka.

Kaati la tena fua te motou mataupu mote fakamoemoega ke talia mai.

Ikuga:Ne talia fialia ne te FL a te manakoga tenei ki se Faifeau mo Masela, kae ko manakoga o te mataupu, ko noted ke onoono ki ei a te Komiti Teuteu.

Mataupu Amatuku

1. Fakamolemole kite Fono Lasi ke onoono aka ki te tulaga ote filiga o te tokolua Pelesitene ki te tofi Pelesitene.Ke se fakatali kite taimi e leva kii tela ko te sua Fono Lasi, kae ke mafai o fili i se taimi vave. (fakamainaga mai te Usufono)

Ikuga:Ne taofi a te mataupu tenei me e taia i te Fakavae

2. Fakamolemole ki te Fono lasi ke onoono fakalei aka ki te fakagaluegaga o faifeau tausi Ekalesia mo Kaulotu i fenua, ke moa e tupu a fakalavelave ki faifeau ko oti ne tofi ki Ekalesia. Ke moa e fai fakavave ne Ekalesia mot e fenua tona ikuga o fakaseaoga te feagaiga ne osi mo tena faifeau mo se leva e 4 tausaga. (fakamainga mai Usufono)

Ikuga:Ne taofi ne te Faifeau o Amatuku me ko oti ne faipatigina.

Mataupu a te FFEKT

1. Ko fakamolemole ki te Fono lasi me e mafai o fakatagi ki te malo, ke maua se fesoasoani o fakagata a te tafaoga tenei ko te gambling ona ko pokotiaga konei ko fakaalofa i ei a olaga o tou tino.
 - i) Ko seai se taimi o matua mo fanau
 - ii) Pokotia te olaga o kaiga i mea tau sene
 - iii) Ko fakaoga ne tino a mea faka tiapolo ke maua ne latou a failoga.

Ne seki fai te ikuga o te mataupu tenei kae ko malolo a te FL mo te vaiaiga i te afa o te tolu i te afiafi

Ne toe tuu aka a te FL i te itula e faa i te fakaafiafi.

Ne fakasaga a te FL o fakaiku a te mataupu muamua a te FFEKT.

Ikuga: Ne talia a te mataupu tenei ne te FL.

2. Ko fakamolemole ki te Fono Lasi ke fai se sokoga mo te malo ke fai se palani o te atiakega mo te lei mo te manuia o Tuvalu, pela mo faiakoga o te malo, faiakoga aso tapu, komiti mo avaga a faifeau ke ga'lue fakatasi o fakatele te polokalame i uiga mo amioga a fanau, e penei mo te ata e lavea i aso nei:

- Fanau fo'liki ko 'pusi, sogisogi penitini mo te faitama fo'liki etc, mo te inu kamagi.

Kae ke fesoasoani foki ke tai faka'lei a fai'tau a tamaliki, kae ke isi foki se mataupu sukesukega ki te Tusi Tapu i loto i te akoga lasaga muamua.

Ikuga: Ne amanaia ne te FL a te agaaga o te mataupu kae seki lagolagogina ne te FL a te auala ne avaka i ei a te mataupu ona la me konei e iloa e tuu i loto i te Vaka Fakatauala.

3. Ko fakamolemole ki te 'malu o te Fono Lasi a te Ekalesia Kelisiano Tuvalu, me se a te fakanofoga mo avaga a Faifeau tausi Ekalesia me e lei i te galue me ikaai? E pela e iloa mo te ikuga fono 2002.

Ikuga: Ne iku i te FL me ko talia a avaga a Faifeau tausi ekalesia/kaulotu ke ga'lue mafai e talia ne te ekalesia/kaulotu tela e ga'lue laua i ei.

4. Fakamolemole ki te Fono lasi ko faifeau ga'lue i te Ulu Ofisa mo te akoga lasaga lua, me e aa ma togi a lotou pasese fakatasi mo lotou avaga ne te Ulu Ofisa o te Ekalesia Kelisiano Tuvalu?

Ikuga:

5. Ko fakamolemole kite fonolasi a te EKT, kote Takitaki ote FFEKT, kese toe tuku ki te avaga ote Pelesitene kae tuku loa ke fili ne fafine a te olotou Takitaki.

Pogai : Ko te avaga ate Takitaki ke nofo loa o fakamalu, tautua ki tena avaga i te tulaga faka Pelesitene.

- Se mataupu ko leva ne masani o sae ake iloto i mataupu ote fonotaga, kae tenei ko toe sae aka i mataupu, kae ne lotomalie katoa a fafine ke toe avaka ki loto i te fonolasi mo sena ikuga.
- Ko te kiloga ki mua mo te tele ki mua ote fakapotopotoga

Kafai e talia fakamolemole ke mafai la o fakamafuli a te Fakavae ate EKT.

Ikuga: Ne taofi ne te takitaki fono ona me e taia i te Fakavae kae e se tonu a te avakaaga.

Mataupu a te KAKEATU

1. Kofakamolemoleatu kite 'malu o faifeau tausi mo kaulotu, ke toe fakamalosi aka a te vasega tenei kote KAKEATU, i loto i olotou Ekalesia takitasi.

Pogai:

- a) I te lavea atu niisi faifeau e malosi te galue fakatasi mo te vasega, kae ko niisi faifeau e se fakamalosi ne latou te maopoopo o te vasega tenei.
- b) Kaati foki tenei te pogai ko gasolo ifo ki lalo a Tautino mo Lotomalie o KAKEATU i fenua takitasi.
- c) E taua ke nofo fale ia tatou me ia tatou ne KAKEATU katoa e pela e iloa mote igoa ote Vasega kote KAIGA KELISIANO AKOGA TUVALU io me pela mo te ikugafono a te Fonolasi.

Ikuga: Ne talia a te mataupu tenei ne te FL

2. Sui ote KAKEATU ki loto ite Komiti fakatonutonu (Board of Directors) o te Fetuvalu, io me kote Komiti fakateletele (BD) ote Akoga kote Fetuvalu.

Pogai: Ate KAKEATU e manatu ke faigofie a te sokosokotakiga o manakoga mai i te Akoga ki te Vasega, maise ko tena tusaga fesoasoani ki manakoga o te Fetuvalu mea tau sene.

Ikuga: Ne talia ne te FL a te mataupu tenei.

3. **Fakamanatuga o te lupeli Siliva (50 tausaga) ote Vasega.**

Te 'malu o te fonon lasi e fakamolemole atu mo te avalasi, me e mafai ke puke ma te Vasega KAKEATU o Ekalesia takitasi a te ipu o te AsoTapu tena. (Lua o AsoTapu o Iulai).

Tausaga ne fakatu i ei a teTaipola o te Vasega a te KAKEATU.

Ne kamata i te tausaga 1964.....

UaleTenese - Pelesitene

Latasi - Failautusi

Morikao Kaua - Teutupe

Ikuga: Ne talia a te mataupu tenei ne te FL

Mataupu a Talavou

1. Ko fakamolemole atu kite fono lasi me mafai ke toe fakasoko aka faiga camp ate talavou.

POGAI: - fakamalosi iei olaga faka-te-agaga o fanau talavou

- Tenei te faitu ote Ekalesia tela e pakia, talavou ko liu lotu ko tele valevale ite seai ne polokalame e fakamalosi ei olaga faka-te-agaga.
- Mafuta fakatasi o talavou e fesoasoani ei talavou kite sua talavou i uiga fai, molimau mai nisi talavou ite lasi o mafuliga o olotou talavou i faiga camp mafai ko oti.
- E fai foki ei te fonolasi kaufakatasi a talavou.

Ikuga: Ko oti ne faipatigina

2. Fakamolemole atu kite fono lasi me mafai o maua se avanoaga mo te tino fai nota ke Malaga ki talavou i fenua i tua o fai akoakoga i mea tau nota (maise te tusi pese fou).

POGAI: - Te lasiga o talavou i fenua i tua e fakatoka ne latou a pese i tapuakiga fai. Nisi talavou e mavae mai aofaipese, tela e manakogina kii se fesoasoani ki mea tau nota mo fai a fakatokaga o vikiga mo tavaega ote Aliko.

- I tafa iei kote manakoga maluga ote manatu kote mea ke mafai o akoga a fanau talavou ki luga ite tusipese fou.

Ikuga: Ne talia ne te FL kae ko tuku atu ki te fakatokaga a te Ulu Ofisa

Ne avaka ne te suuga i te i a Satini ke mafai o maua se avanoaga o Ofisa o te EKT ke fai'pati fakatasi mo te uso ko Siliga Kofe e tusa e iloa ko te agaaga o te FL.

Ne talia ne te FL a te fautuaga tenei.

Ne 'pono a te FL i te itula e 5:38 i te afiafi, kae ne kalaga fakaaloalo atu te takitaki fono ki te tofi o Tekavatoetoe ke fakaoti ne ia ki te talosaga.

Ne 'pono a te FL mo te 7 o aso tenei ne te Faifeau Filipi Monia ki te talosaga.

Fakamaumauga o Faipatiga mo Ikuga i te Valu o aso

i Nanumea 2 – 16 Tesema 2012

I te taeao o te aso nei, ne kamata a te FL i te itula e 11 i te taeao ona e isi se fakalavelave o te fenua i se mate o te aso nei, tela i te taimi ne toka i ei a te fakatokaga o te fakalavelave, ne mafai i ei o kamata a te FL.

Ne malolo a te lotu mo te sukesukega, kae ne kalaga fakaaloalo atu ki te suuga i te 'tofi o Nukulaelae, Faifeau Selota Panapa ke 'tala ne ia a te FL i te aso nei ki te talosaga.

Mataupu a FETU

Fesili:

1. E fia iloa me kai a ko ko sei ne lama mo tusi fai lotu e upload ki luga i te website a te EKT? Ko toe lomiga o mea konei ko Aokuso mo Oketopa 2011.

Ikuga: Ne fakaasi aka ne te FA mo te failautusi o te matagaluega tela e panaki mo lomiga a te EKT me ne tai uke e iloa a dfakalavelave ne feagai mo te matagaluega tenei ona ko masini kola e vili ki ei a mea konei, kae ko te website e sei se fakalavelave ki ei.

2. Fakamolemole te fonolasi e manakogina ke isi se fakanofoga me koi mafai o fakaaoga ne te ekalesia e penei mo te ekalesia F.E.T.U io me ko ekalesia ei ilalo o te fakamalu o te EKT.
 - i. A sose tino tela e fai ia ia se faifeau, kae ko oti ne lisaina ma ite Ekalesia Kelisiano Tuvalu io me sose ekalesia e iloa i fakanofoga o ekalesia kelisiano kaufakatasi o te lalolagi tela e kau i ei EKT?
 - ii. A sose tino tela e fai ia ia se faifeau tela ne fakatapu ne te EKT, kae ko oti ne talia ne ia o tausii se ekalesia tela e se kau i te EKT mo ekalesia Kelisiano kola e iloa i fakanofonofoga Ekalesia kaufakatasi o te lalolagi kae seki maua se taliaga ma i te ekalesia tela ne fakaofi i ei tena tofi faifeau?
 - iii. A faifeau kola ko litaea mo tusaga kola e mafai o fai ne latou o fai?

Ikuga: Ne tali a te fesili tenei ne manatu solo me e isi e iloa se fakanofoga a te Fakavae ki ei, kae ko tuku e iloa ki te fuafuaga a te Faifeau tausii. Ko te puipui napa iii, e mafai o fakaaoga ne tatou a Faifeau litaea.

3. I) Fakamolemole te fonolasi e fia maina a te ekalesia F.E.T.U me isi se saolotoga o ekalesia o fai loa ana fesokotakiga mo ana sokosokoga ki fakapotopotoga o Ekalesia a te Pasefika mo Ekalesia kaufakatasi ote lalolagi e aunoa mo se fakailoa/fanoi /io me se taliaga ma ite ulu ofisa?

ii) Nea tulaga kae pefea foki te mafai ne ekalesia o fai olotou fesokotakiga?

Ikuga: Ne tali ne te FA me i ekalesia/kaulotu e see member i fakapotopotoga konei 'lasi o Ekalesia o te lalolagi, kae e member e auala i te EKT, ko tena uiga e se mafai ne se kaulotu io me se ekalesia o te EKT o fesokotaki 'tonu e iloa ki fakapotopotoga kona.

4. I se Malaga fai a se tino galue a te ulu ofisa ate EKT o fai ana galuega i se koga atu mai tua o te fenua e galueu iei- e isi se fakatokaga o sena tupe tausii?

Ikuga: Ne tali ne te FT me i te ofisa o Pese i tena malaga ki Niusila, se ikuga i te 21 FL me e e fakatupe tasi ne Niusila mo te Ofisa a te malaga tenei, tela la, ne fakatupe ne te Ofisa ana tiketi mo ana transit allowances, kae ne tuku atu ki ekalesia/kaulotu i Niusila ke onono ki tena ola i Niusila.

5. E fia iloa ne te Ekalesia F.E.T.U me isi se lipoti a te savali ate failautusi aoa mote failautusi tupe ki ekalesia a fanau Tuvalu kola e se kau mai kit e EKT?

E toe fakamalosi atu mo tulaga o fesokotakiga mai te ulu ofisa mo Ekalesia ke tai fakaatili aka te lei.

Ikuga: Ko oti ne matea a te lipoti o te savali tenei i te lipoti a te FA

6. Fakamolemole ko isi na se fesokotakiga a te ulu ofisa ne fai ki ekalesia kola i tua atu o Tuvalu kola e fakaaoga ne latou te igoa ote EKT kae malamalama lei loa tatou me se kau mai kite EKT, ke taumafai o se toe fakaoga ne latou?

Ikuga: Ne amanaia ne te FL a te fakaasiga tenei, kae ko noted.

E toe fakamlosi foki kit e EKT ke fai talosaga kit e malo kena kilo ki luga ite fakatulafonoga o te mataupu lasi tenei e pokotia iei a fakapotopotoga mo tino fai pisinisi "te mataupu tenei kote copyright". Kafai ko fakatulafonogina kaati ko mafai o toe kilo te EKT mo tena fakavae – ko te mea ke puipuigina foki iei a kope ote EKT.

MATAUPU

1. Ko fakamolemole atu mote ava lasi kit e fonolasi, ko tino galue mai te ulu ofisa me kola e mai ki mea fai io me kami ne Ekalesia ke mafai ke maea lei a mea fai ko fai ei ke malaga o foki, vagana ei ne mea tau ke foki fakavave.

Ikuga: Ne talia a te mataupu tenei ne te FL

2. Ko toe fakamolemole atu foki me mafai o tai fakanofa fakalei aka te fakaogaga o funding kola e akai ke maua mai ne mo sene o fakatele ne polokalame ke mafai o fakaoga tonu ki te faiga o polokalame.

Ikuga: Ne talia kae lagolagoga ne te FL a te mataupu tenei.

3. Fakamolemole te malu ote fono lasi e pela loa mote ikuga fono ke fakatoka atu se proposal a te ekalesia ko FETU, tenei la ko toka, kae ko avatu te talosaga mo te fakaloalo lasi ki te malu o ofisa o te EKT i lua malaga ki fono ke avaka ne koulua i lua

mataupu kae tauga tonu loa ki se fakapotopotoga e fiafia o fund ne ia. (E olo atu mo matou kae ko tufa i te taimi e avaka i ei te mataupu)

Ikuga: Ne talia ne te FL a te fakaasiga tenei, mo te agaaga ke ga'lue fakatasi a FETU mo te ulu ofisa ki te fakatagi tenei.

4. TE FAKAVAE OTE EKT

E fakamolemole ko te fakavae ote EKT – ke na faulu katoa a fakamafuliga kola ko oti ne talia i fonolasi, ka ke fakatoka te fakavae ke tasi te fakavae e fakaaoga ne ekalesia/kaulotu katoa o te EKT.

Te vaitaimi nei, e uke a kopi o fakavae mua kae konei loa koi fakaaoga. Te fakalavelave o te uke o kopi konei – e sisi loa te tino kite mea tela e fai mai kiei tena fakavae mafai e oko ki taimi e fai ei fonotaga a ekalesia. Tela, ko oko iei kite tulaga o te kesekeke o mainaga mo fakamatalaga, ko mafua foki iei te tupu o fakalavelave i loto i Ekalesia ona ko te se tasi ote fakavae e fakaaoga – mo te se tasi te mainaga. Ko te fakamolemole atu ke fakatoka aka te galuega tenei mo te fakavae kote mea ke toka mo te fono i Niutao ite 2014.

Ikuga: Ne fakaasi aka ne te 'tofi o FETU me ko oti ne faipatigina a te mataupu tenei.

5. Avanoaga mo sikolasipi mai i te malo.

E fakamolemole ko te ofisa lasi ke fesokotaki mote malo ke maua ne avanoaga ke mafai ne fanau a te Ekalesia konei e galue ite EKT pela foki fanau kola ne olo loa ia latou o akoga fakafaiifeau kae seki maua nei ne avanoaga ite Ekalesia ke apply ki avanoaga o olo o toe akoga.

Ko avanoaga konei e maua, ka mafai o fesoasoani ke atili fakalei te tulaga o galuega fai iloto ite Ekalesia, Fetuvalu io me nea foki a fakamoemoega o te EKT mo ana atiakega mote fano ki mua te Ekalesia.

Ikuga: Ne talia ne te FL a te mataupu tenei me e tenei eiloa a te mea tenei e fai ne tatou.

MATAUPU KAULOTU PUKEKOHE MO TE FONO LASI XXII

Mataupu Muamua: I te ava lasi mote fakaaloalo, e fakamolemoleatu ki te malu o te Ekalesia Kelisiano Tuvalu kae maise te malu o te Fonolasi, me mafai o fesoasoani mai a te Ekalesia ki Pasese o Faifeau mo olotou Kaiga mai NZ, i taimi e fai ei a Fonotaga penei. (*Fakamaina ne Usufono*)

Ikuga: Ne taofi ne te Tiakono Matua

Mataupu Lua: E fakamolemole atu ki te malu o Ekalesia Kelisiano Tuvalu kae maise te malu o te Fonolasi, pela mot e Laukele tenei i Ielusalema Fou i NZ, me mafai o fai ne atiakega i ei, ko te mea kemaua mai ne fuataga lei ki te laukele tenei. (*Fakamaina ne Usufono*)

Ikuga: Ne taofi ne te Tiakono Matua

Mataupu Tolu: E fakamolemole atu ki te malu o te Ulu Ofisa o te Ekalesia, me mafai o fai aka se fakatokaga lei kiluga ikope a Usufono kola maitua atu o Tuvalu, kote mea ke fakatoka fakalei ne auala faigofie, aua te Kavega o olotoukopeki NZ, Fiji.... Etc. (*fakamaina ne Usufonu*)

Ikuga: Ne taofi ne te Tiakono Matua

MataupuFa: Malu o te Fonolasi, e fakamolemole atu me mafai o maua ne Tusipese Fou mailugaitesetenei ate Ekalseia. (*Fakamaina ne Usufonu*)

Ikuga: Ne taofi ne te Tiakono Matua

MATAUPU ATE EKALEZIA FAGAUA I NIUSILA

1. Ko fakamolemole atu mote ava lasi ki te Fono Lasi mo te Komiti Teuteu mo Sui Malu ki te Fono Lasi ate EKT, ke mafai o avaka te Mataupu a matou tenei ke maua mai se ikuga mautinoa kiei.

Fakamatalaga:

Ona kote tulaga tenei o te FAUUGA o Faifeau e matea atu iloto i te Fakavae e fautua aka ne Ekalesia ki te Komiti Teuteu, ko fai ei se Ikuga a te Komiti Teuteu o Iloilo a tulaga o Tamaliki kola ko iku mai Akoga Faka-Faifeau; kae ko paasi ko ava kae iku faauu ne te Fono Lasimanafai ko isi se avanoaga. Ne iloa foki ne Ekalesia ate EKT I Niusila me ko isi ne Faifeau ote EKT ko fai ne latou ate fauuga o Faifeau e aunoa mote iloa a te Komiti Teuteu mote Fonolasi.

Ikuga: Ko oti ne faipatigina

MATAUPU:

2. Sea nei te tulaga mote ikuga ote Faifeau tela ko fai ne ia te tulaga tenei e aunoa mote iloa io me se taliaga mai te Komiti Teuteu mote Fono Lasi?

Ikuga: Ne avaka te fautuaga a te Tiakono matua o te kaulotu Fagaua ke tuku atu ki te Komiti Teuteu kae ne talia ne te FL

Fakamatalaga:

Te malu o te Fono Lasi ko avaka te fakamolemole tenei mo se taliaga mai te Fono Lasi. Ko te tulaga o atiakega mo sokotakiga ki nisi Stakeholders e pela mote CWM, WCC, WARC, PCC mo Ekalesia ei kola e isi ne sokotakiga mote EKT. Ona la ko te kesekese o manakoga o Ekalesia mo olotou atiakega kola e manakogina ke fakataunu. E manakogina a sokotakiga mo tulaga o atiakega konei ke tuku mai te avanoaga ke mafai e iloa ne Ekalesia e penei mo te Ekalesia Fagaua i Niusila ke sokotaki a tulaga konei manafai e manako ki ei.

E maina e iloa te tulaga o taimi nei me fai katoa ne te Ulu Ofisa a tulaga o sokotakiga konei manafai e manako ki ei a te Ekalesia mai taliaga a te Komiti Teuteu mote Ulu Ofisa.

Ikuga: Ne lagolagogina ne te FI a te mataupu tenei

MATAUPU:

3. Te Malu o te Fono Lasi ko avaka mo te ava lasi a te Mataupu a te Ekalesia Fagaua ke tuku mai se taliaga ne te Fono Lasi ke mafai o fai a sokotakiga o manakoga o Ekalesia ne latou e iloa manafai e manako latou ki tulaga o fesoasoani kola e ati ei te galuega mote misiona a te Ekalesia mote Kaulotu, kae ke fai e iloa ne latou manafai e manako ki ei.

I te tulaga foki tenei ka faka foliki ei a galuega a te Ulu Ofisa aua ka panaki totino e iloa mote Ekalesia tena a sokotakiga ke oko foci kit e accountability report kite Fakapotopotoga tela e fiafia o fesoasoani ki te polotieki io me kote akaiga tenei.

Te Malu o te Fono Lasi ko avaka a te Mataupu tenei ke fai se Ikuga manuia a te Fono Lasi. Fakafetai mo te avanoaga ke faipati te mataupu a matou tenei.

Ikuga: Ko oti ne faipatigina.

Lipoti a te Pule Faiakoga o Fetuvalu High School

Ne tuku atu a te avanoaga ne te takitaki fono ki te Pule Faiakoga o te akoga lasaga lua a te EKT ko te Fetuvalu ke mafai o avaka a tena lipoti, kae ne avaka e iloa a te lipoti ne te suuga i a Penehuro Hauma, te Pule Faiakoga o te Fetuvalu.

Fakafesiliga:

Faifeau Falemanuka Kennedy ne fakafesili aka ne ia me pefea la latou kola maitua atu o Tuvalu me tau loa o fai tusaga me i te iloa atu nei e seai la ne tamaliki a latou e akoga i Fetuvalu.

Tali ne te Pule Faiakoga, me i te fakatuga tenei e fakavae mai loa i te ikuga fono i Nanumaga.

Tiakono Toeaina o te Pulega ki tua, Helina Telii, ne fakafesili aka ne ia me ko tusaga konei e tu ne tupe ausitalia me ne tupe Niusila, Fiti, etc.

Ne tali ne te Faiakoga Pule, me ne tupe ausitalia.

Faifeau Pita ne fakamolemole me mafai ke toe onoono aka ke tai tuku ifo ki lalo te tusaga po laua konei i NZ ona loa ko te tulaga o te olaga foki e ola latou iei.

Faifeau Pitoi Etuati ne fakamalosi ne ia te tulaga o te lago ne tatou te taumafaiga ki atiakega konei a te EKT. Kaati e lei foki mafai e tuku a latou kola i NZ ke panaki mo latou te tinatinaga o te Ielulalema Fou, kae saga tatou konei i Tuvalu nei o fakatupe aka te akoga a te EKT.

Faifeau Teleke Peleti ne fakafesili aka ne ia me mata e maua te pasene o te fesoasoani o te Malo ki Motufoua, ko te mea la ke mafai foki o fai se fautuaga ki te Malo mo se fesoasoani. Pule Faiakoga ne tali ne ia me seai nei se aofai pasene e mafai ne ia o tuku atu ki te Fono Lasi kae isi se sui mai te matagaluega o akoga me a e mafai ne ia o fesoasoani. Valisi Alimau ne fakaasi aka ne ia me se mafai foki ne ia o tuku mai te aofaki tonu kae ne fautua mai fua ne ia me ia Fetuvalu e tai kese loa mo Motufoua me ia Motufoua se boarding school tela te tupe lasi loa e fano ki te ration.

Faifeau Selota Panapa, ne fakamolemole ki te FL me mafai ke se lafo aka a te Ekalesia Kelisiano Nukulaelae mai te tusaga tenei ona la ko latou nei koi panaki mo te Faletapu o latou.

Saufatu Sopoaga ne fakafesili aka ne ia te lasi o te kese i te tupe maua mo te tupe fakamaumau pela mo te kilo atu ki ata konei, te togi o tino galue e oti atu loa iei a tupe maua. I tena faipatiga, te masani a tupe fakamaumau e fakatautau loa ki tupe maua mautinoa, e fia iloa fua la me ka fakatupe la pefea a te kesega tenei.

Pule Faiakoga ne tali ne ia me i te tulaga tenei e fakaasi atu i te fakataugatupe, ko te ata tonu loa tela e mafai iei o katoatoa te tulaga e tau o fakatele iei a Fetuvalu ki te tulaga tonu. Te akoga ko Fetuvalu i te vauga loa nei ne fakatele fakatititi atu loa ke mafai o fai.

Iosefa Elisala, ne lago ne ia te avakaga o te manakoga tenei mai te Fetuvalu kae ne fakamalosi foki ne ia te Fono Lasi me tau a ekalesia mo kaulotu o fakamalosi ke tofo aka te tulaga tenei me kaati la se TRIAL ke taumafai tatou kiei.

Siliga Tala, ne lago foki ne ia te fakataugatupe kae toe fakamalosi foki ne ia ke tofo aka, Siliga ne fakaasi aka ne ia me ia Nanumea Loto Lelei e lago malo ne ia te fakataugatupe.

Sui Takitaki o FFEKT ne fesili fua me ko tusaga o FFEKT pela me se sae i te fakataugatupe. Ne tali ne te Failautusi Tupe me i te tusaga o FFEKT e se galo kae se sae mai me i mea nei ko mea kola ne maua fua i te 2012. Te tusaga o FFEKT ne maua i te 2011 tela la e sae loa i te ata o te 2011.

Faifeau Lisale Tulaga ne lago foki ne ia te fakataugatupe kae ne fakamolemole ki te FL me mafai ke kati ifo a ekalesia konei maitua o Tuvalu me koi ati ake ki taki \$2,000.00

Ikuga: Talia ne te Fono Lasi te fakatautauga mo Tupe Maua 2013 a Fetuvalu.

Mai tua o te taliaga tenei, ne faka'soko a fai'patiga a te FL ki tupe fakamaumau, ne fakamaina ne te Pule Faiakoga a te ata o tupe fakamaumau.

Ne fesili a Teleke Peleti ki te appendix 2 e fia maina i te salary structure, me kai a e kesekese i ei a peofuga. Ne tali ne te Principal me ona e isi ne Misionale i ei tela ne aumai ne tatou mai i te Methodist i Fiiti.

Ikuga: Ne talia ne te FL a te ata o te tupe fakamaumau mo te 2013

Ne malolo a te FL mo te Vaiaiga i te 3:30 i te fakaafiafi

Ne toe tuu a te FL i te itula e 4.

Ne fakasaga a te FL ki mataupu a Ekalesia/Kaulotu kola ne taofi ke oti a te lipoti a te Fetuvalu.

1. Ne avaka ne te 'tofi o Nanumaga a tena mataupu ko pepa a tamaliki Fetuvalu kola e suke ki te IGCSE ke fakatagi ki te Malo ke togi ne ia.

Ikuga: Ne talia ne te FL a te mataupu tenei.

Ne fakatagi foki a te FL ke mafai o maua ne kopi o lipoti o te Lauolive mo te Ielusalem fou.

Ne tali ne te FT me e mafai e iloa o fakamaua a kopi kona ki te 'malu o usufono.

Ne fakasaga atu e iloa a te FL ki tena toe mataupu mo te 22 Fono Lasi 2012, tela ko filifiliga o te Pelesitene o te EKT. Ne fakaasi aka ne te FA me i te filifiliga tenei, ko te fakaotiga fua o te nofoaiga tenei tela e oti i te tausaga 2014.

1. Ne fakatuu aka ne te Faifeau Pitoi Etuati ko te mea ke mafai o nofo loa tatou penei mo te nofoga nei, ke tausi atu loa ne te Tokolua Pelesitene a te ofisa o te Pelesitene ke oko ki te sua FL i Niutao.

Ne lagolago ne te Tiakono mai Suva, Satini Manuela ona ko feitu tau sene o te EKT i te vai tau tenei, fakatasi mo te 'numi o tatou i te Fakavae me e galo a te Loia.

Ikuga: Ne seki talia a te mataupu tenei ne te FL

Igoa ne fakatuu: Faifeau Tofiga Falani

Faifeau Faifeau Semisi Nimo

Faifeau Penitusi Taeaia ne fakatuu aka a tena igoa kae ne tapale ne ne Penitusi a tena igoa.

Ne takutino ne te suuga i a Tofiga Falani mo Semisi Nimo me e talia ne laua a te avakaaga o la Igoa ke palotagina.

Ikuga: Faifeau Tofiga Falani 35

Faifeau Semisi Nimo 37

Ne fakamaonia ne te FL a te suuga i a Semisi Nimo mo fai a te Pelesitene o te EKT.

Ne fai a muna fakafetai a te takitaki fono e tusa e iloa ko te avanoaga ne tuku atu ki a ia ke takitaki ne ia a te 22 FL i Nanumea nei. Ne fakatoese foki a ia ki te 'malu o te FL ke fakagalo mai manafai e isi ne tosalaaga i tena takitakiga.

Rev. Semisi Nimo
Pelesitene

Rev. Tafue Lusama
Failautusi Aoa